



925001 -

- 925102

Mag. St. Dr.

III

RESOLUTIO THEOLOGICA

Super Quæstione, Remp. Polonam
& Statum Christianitatis, concernente.

*Utrum Resp. Christiana Libera, habens Ius eligendi Regem, possit
sibi adsciscere Principem non exercentem neq; profitemem Actu
Religionem Catholicam, adeoq; dubium Catholicum indubitato
Principe Orthodoxo postposito, absq; Anathematis Censura in
Bulla Cænæ Domini lata?*

A Pud omnes consonum est, eum qui Hæresim dicitur ab-
negasse; & non exercet neq; profitemur Actu Fidem Catholi-
cam; dubium esse Catholicum. Corde enim creditur ad iusti-
tiam, ore autem fit confessio ad salutem. Dubius autem Catho-
licus pro non Catholico habetur; quia dubius Catholicus,
non est indubitatus Catholicus, adeoque neq; verus Catholicus; sicut quan-
do dubitatur, an aliquid sit consecratum vel baptizatum pro non conse-
crato nec pro baptizato habetur, ut habetur cap. veniens de Presbyteris &
non baptizatis. Signa enim veri & non dubitati Catholicismi est exer-
citiium & professio externa fidei, ut habetur apud Matth: *Qui me confessus
fuerit coram hominibus, confitebor & ego eum coram Patre meo qui in caelis est:
qui autem negaverit me coram hominibus, negabo & ego eum coram Patre meo
qui in caelis est.* Ex quo aperte deducitur verum & indubitatum Catho-
lici iudicium, non aliud est, quam Professionem externam fidei, cum Ec-
clesia de occultis non videlicet, consequenter non exercentem neq; profi-
tens Religionem Catholicam pro Hæretico reputandus. Quo supposito.
Non intelligo Quæstionem in eo Statu. An Resp. Catholica possit elige-
re Principem non Catholicum animo introducenda vel disseminanda hæresis
aut eiusdem conservanda, vel studio opprimenda immunitatis Ecclesiasticae aut
Status spiritualis perfrangendi intentiones, eiusmodi enim Electores tanquam
hostes Ecclesiæ, & apertos fautores Hæreticorum ipso facto incurrere
Anathematis Sententiã, nulli dubium, sed si Resp. Cath. Libera prævi-
so favore conservandæ vel nutriendæ hæresis, solo temporali statu at-
tento, nec considerando Religionis Catholicæ commodo atq; emolu-
mento possit Principem Actu non exercentem neque profitemem Reli-
gionem Catholicam, adeoque dubium Catholicum qui pro Hæretico re-
putatur ad gubernacula Regni vocare sine iactura conscientiæ, & absque
incurrenda Censura in Bulla Cænæ Domini lata.

A

RESO.

925030

RESOLVTIO PRIMA

Ex Principijs Communibus Theologicis.



Errum est apud omnes, Resp. Catholicas introducere aut probare libertatem Hæreticæ pravitatis nullatenus posse, imo modis omnibus teneri, impedire, & Hæresim propulsare: ut ex citandis patebit Canonibus, quia Hæresis obest Vnitati Ecclesiæ, nocet saluti animarum & persionis minatur periculum. Tollerari autem quandoq; posse libertatem Religionis eorum ubi multitudo & potentia magna Hæreticorum, qui rebellionem concitare, arma sumere, bellum movere, sanguinem Christianum fundere & Catholicos opprimere possent, alius quippe casus conservandæ vel satius tollerandæ Libertatis Hæreticæ non datur. Ex quo continuo sequitur in Rep. Catholica ubi Hæretici tollerantur, Principem Hæreticum salva rectitudine conscientia, & ut a Censuris ab Ecclesia latus sint liberi, eligi non posse ob periculum multiplicandæ & validandæ in Rep. potentia Hæreticorum, qui in toto fœdere cum alijs Regnis Hæreticis, facile arma sumere, & bella adversus Catholicos movere possint, Fidemq; Catholicam sensim opprimere ut in alijs Regnis & Provincijs Liberis facta vidimus. Si enim tam Divino quam humano Iure prohibetur consortium Catholicis cum Hæreticis, si Ecclesia arceat eosdem Hæreticos, à Regnis Catholicis ubi & in quantum potest & tanquam pia Mater non vult manere Ismaelem cum filio suo Isaac. Quomodo Princeps Hæreticus in Regno Catholico, in quo hætenus patiuntur Hæretici, sine iactura conscientia Catholicis præfici judicabitur? qui in Hæresi eruditus, hæresim abjurare dicitur & Catholicis observantiam nec exercet nec profitetur. Quis enim sponsor, ejusmodi Principem Catholicorum potius & non Hæreticorum futurum fore factorem? qui regnandi cupiditate post adeptos Regni apices promittit se cultorem & professorem Religionis futurum, & non aliter quis inde prudenter veræ Vocationis colliget indicium.

RESOLVTIO SECUNDA.

Ex Lege Ecclesiastica.

Sancta Mater Ecclesia sub Anathemate prohibet, ne quis Hæreticos vel in domo, vel in terra tenere vel fovere præsumat *lib. 5. Decretal. 7. Cap. 8.* Si quis autem (inquit) in hoc peccato decesserit, neq; sub Privilegiorum nostrorum obtentu, nec sub alia quacunq; occasione oblatio pro eo fiat, aut inter Christianos recipiat sepulchrum & *Cap. 9. & 10.* Receptores Hæreticorum & sententiæ subijcit, multò magis qui Principem Hæreticum, qui caput censetur Hæreticorum in Regnum Catholicum recipere vel recipi studeant; ejusmodi enim Principem in Solio Regni locare, est aperte Hæresim recipere ex Concilio, Quod habetur *tomo 7. Conc. pag. 845.* vel ad summum est periculo conservandæ, fovendæ vel disseminandæ hæresis se exponere: quod iisdem & alijs vatur Canonibus in Conc. Mediolanensi primo *lib. 1.* quod habetur *Tomo 1 Conciliorum.* Hortantur per viscera misericordia Dei Proceres & Magistratus Catholici, ut temporalibus commodis postpositis, spiritualia & caelestia præ oculis habentes arceant, imo pellant e gremio su Hæreticos. Principes verò & Magistratus hortamur, & per viscera misericordia Dei obtestamur, ut caeleste luctum terrenis commodis præferentes, comertium & consuetudinem Hæreticorum quam fidelibus perniciosam & pestiferam esse constat, pro sua pietate ac studio Religionis e suis Urbibus & Oppidis amovendam & tollendam curent. Quis autem non videat Principem Hæreticum alias nunquam exercentem neq; profitentem fidem Catholicam. Sed post assurationem anhelandæ coronæ professionem publicam promittentem, integrum esse hæreticum; atq; adeo juxta Sanctiones Ecclesiasticas à Throno Catholico arcendum & pellendum: contravenientes verò ob periculum disseminandæ,

de, propagandæ vel nutriendæ hæresis, incidere in Censuras à S. Ecclesia latis
& fulminatas,

RESOLVTIO TERTIA

Ex Praxi Perpetua Regni Polonia.

UT omittam Sancita piorum & Orthodoxorum Poloniae Regum, qui plura, eaq; severa fulminarunt edicta adversus fautores & receptores hæreticorum, in Vladislai Jagellonis, Casimiri Jagellonidis Patris S. Casimiri, Sigismundi Primi & aliorum, quorum primum promulgatum est A. 1520 2dum Anno 1534. sextum Anno Dñi 1557. Videatur Confederatio in Generalibus Comitijis facta in Corczyn Principem, tam Spiritualium, quam Sæcularium Baronum, Comitum, Millicum, Nobilium, omniumq; Communitarum Singulariter singularum, & Univerſaliter univèrsarum, adversus eum, qui hæreticum recipere, vel promovere aut verbum aliquod pro esse dicere auderet apud Herbum Herbutum fol. 192. Vbi hæc præcipue observanda. *Quicumq; existens indigena Regni Polonia, Hæreticales errores facere & promovere vellet, contra talem sive tales cujuscunq; Status, gradus Conditionis, & præminentia fuerit, sive Spirituales, sive Sæculares in eorum destructione consurgere volumus, & permittimus sub fide & decore nostro, absq; dolo & fraude, nec ipsis auxilio, consilio & favore patrocinari volumus, sub fide etiam si sanguine, affinitate & quacunq; propinquitate fuerint nobis aut alicui nostrum conjuncti: nec pro eis loqui aliquot verbum, & eos, & eorum quemlibet talem volumus: dum autem prædictam Confederationem (quæ vim legis hucusq; tenuit in Polonia) aliqui Poloni extirpare, & etiam in Confederatione particulari Anno Dñi 1573, Varlavix habita contraponere tentarunt, quas sibi Nobiles aliqui sponderunt pacem cum Hæreticis, remissionemq; pacem quoad Religionem; nihil non movere zelantissimi Proceres, & Regni utriusq; Ordinis ad comprimendos exorbitantes illos, pro conservandâ piissima & Catholica lege Patriæ. Primo namq; Protestatio valida fuit in Nuncijs terrestribus Palatinatum, in eadem statim Varſaviensi Convocatione, Secundæ licet Confederatio illa Varſaviensis, vim legis, roburq; privilegij legitimi, nullum omnino habuit, ut pote non per Constitutionem in Comitijis Generalibus facta, sed privatim duntaxat combinata protestati nihilominus sunt adversus eam Illustrissimi Episcopi in Castro Sochacoviensi Anno Domini 1573: quam fecerunt Jacobus Vechański Archiepiscopus Gnesnensis, Adamus Lenarski Polnaniensis, Petrus Myskowski Plocensis, Albertus Zrenbski Helmiński Episcopi. Tertiæ Protestatio fuit totius Palatinatus Plocensis in suo Castro Anno Dñi 1573. in qua Protestatione notatur sublimis candor, admirandus zelus Nobilitatis Protestantis dicti Palatinatus pro fide Catholica adversus hæreticos. Quarta Protestatio fuit, iterum Illustrissimorum Episcoporum, & aliorum Magnatum Polonorum coram Henrico Rege quam fecerunt Hieronimus Rozdrzawowski Episcopus Vladislaviensis, Lucas Koscielski Polnaniensis, Nicolaus Vechański Palatinatus Culmensis, Paulus Vechański Capitaneus Dractioven. Georgius Mniszek Castellanus Radomiensis, ut omittam quam plurimos alios, specialiter autem in fine protestatur Episcopus Vladislaviensis supra nominatus de nullitate & invaliditate omnium in favorem Henricorum attentatorum. Quinta fuit Declaratio ipsius Regis Henrici tam publicè quam privatim facta Confederationem videlicet dictam Varſaviensem fuisse & esse illicitam Reipub. Catholicæ obnoxiam, & Nomini Christiano perniciosam ac pestiferam. Ultima Declaratio & Confirmatio omnium protestationum supradictarum Generalis in Regno Poloniae Synodi Petricovix celebrati, Anno Dñi 1570, Ut patet libro 1mo Synodij Titulo de Fidei unitate servanda & tenenda, in qua hæc notatu digna ad exornandas conscientias, & puritatem fidei conservandam aperte. Sacra Synodus profiteretur fædus illius reclamantibus Ordini Ecclesiastico & Catholico esse illicitum cum morte & inferno, ut dicit Isaias percussione contra Divinas leges fortissimè institutas contra antierus Regni totius fædus & Regni Regnumque Poloniae piissimas Constitutiones, quæ Deum observata fides sincera, & inviolata.*

olara permansit & earum observantia omiffa hærefes pullularunt contra ratio-
nem ipsius juramenti, & in confufionem Ecclefiæ Christianæ, in peffimum &
pernicioffimum exemplum, in perniciem Ecclefiæ ac fidelium, in fidem augen-
dorum & fovendorum diffidorum blasphemiarumq; ad fundendam pacem & uni-
tatem veræ fidei Catholice, & confutillis tunicæ, hoc eft Ecclefiæ Iefu Chrifti & his
& alijs caulis uti antea nunquam Ordo Ecclefiasticus, nec Catholici confense-
runt, quinimo omni loco & tempore, tam in Gallia, quam poftera in Corona-
tione Henrici Regis, itemq; poft Sereniffimi Regis Stephani laudatæ memoriæ
Electionem, & in Andreoviensî Conventu & in Coronatione repetendo & com-
memorando contradicebant, & folemniter proteftabantur, ita, ut nunc Sancta
Synodus, approbando omnes ejuſmodi proteftationes, declarat ejuſmodi pactum
eſſe contra Deum, paci; & unitati fidei Christianæ contrarium & pernicioſum,
de quo coram Deo & Angelis ejaſ folemniter proteftatur, contradicit illudque
anathematizat. Si quis autem cujuſcunq; Status aut Conditionis prædictum fæ-
dus approbare, tueri, defendere aut illi contentire velit, hic autoritate hujus
Synodi Sanctæ Spiritualis quidem anathematizatus declaratur, & ab Officio fu-
ſpenſus, beneficio quoq; privatus eſſe decernitur, Sæcularis vero Excommunica-
tionis ſententiam ipſo facto incurrat. Hæc piiffimi & zelantiſſimi Anciſtites atq;
Proceres Orthodoxi illis ſæculis de Hæreticis privatis promovendis vel recipien-
dis. Quid de Principe Hæretico alias in Avis & Protavis, primo Hæreſeos fauto-
re, & per Europam Propagatore Solium Regni Poloniæ ambiente, illudq; atti-
bus omnibus falſiq; promiſſionibus quærente dixiſſet: Catholiciffimi viri illi.
Quorum temporibus ſicut & poſthumis noſtraq; ætate impietas tanta nunquam
nata inſta fuerat; quandoquidem Iurejurando ſemper Polonia pravitatem deteſta-
batur hæreticam, figebatq; tabernaculum teſtimonii in ſola unitate, videlicet Ca-
tholicum Romana Fidei, cujuſ Orthodoxum & Indubitatum quærebat ſemper con-
ſervatorem. Et fuit eis terra ſubjecta, ideoq; Deus temporibus illis Polonia be-
nedicebat, Regnum ampliabat, ſubijciebat Gentes, addebat Provincias, Potenti-
am augebat, inter Nationes immortales Nomini Polono dabat glorias: cum au-
tem hoc ſæculo Noſtro Catholicus licet Principibus conniventibus & Proceribus
faventibus libertas Hæreticis, contra Patrias leges, in aliquibus locis permiſſa,
Phana ædificari conceſſi, & ecce vix in oculis noſtris Reſp. ſeiſta, tot Provin-
ciæ latiffimæ avulſæ ſunt, & datæ Svecis, Moſchis, Vaſallis, Coſacis, Turcis,
conatur repetere quod perdidimus, ſed non valemus. Iratus eſt Dominus Sa-
lomoni, quod averſa eſſet mens eius à Domino Deo ſuo Iſrael: Dixitq; Domi-
nus *Scindam Regnum tuum, & dabo illud ſervo Tuo. Quia ædificavit Salomon Phanium
Chamos idolo Moab, pro vxoribus ubi addebant tibiara, & immolabant Dijs ſuis.* Semel
tantum Boleſſaus permiſit Pruſſis, ut à Christiana fide quam admiferant omnes
aliqui deficientes, ad priſtinas ſectas redirent; quid inde ſecutum ſumpſerunt, no-
tat Cromerus Lib. 6. *Historiæ Poloniæ, Sublatæ animis Pruſſi, in illum, arma, ejus eo
exercitum fuderunt ac preſtigarunt magna ſtrage facta Polona Nobilitatis, multis præterea
calamitatibus afflictatus eſt Boleſſaus, ut illius peccati penas perſolveret.* Hæc in Polonia
Principe abſoluto regnante ſimilibus juſſis, calamitatibus, bellis, cladibus, hoc
ſæculo Regnum perimentibus ob abiectam fidei zelum, diminutam Religionis pie-
tatem, præſtitumq; contra ſancitas Leges Patriæ Hæreticis favorem, remedia ſana
curarunt inelyti Reipæ Proceres, & ad augendum Cultum Dei unitatem firman-
dam Catholice Religionis eradicandos errores perſidiæ, ſtabiliendamq; in Regno
integritatem Romanæ veræ fidei, Sanctas Leges condiderunt; noviffimè in Ele-
ctione Michæelis Authore & motore piæ memoriæ Nicolao Prazmowski, Archi-
epiſcopo Gneſnenſi, utroq; Ordine ex tota Nobilitate aſſentiente. *Rex Catholicus
eſto.* Catholicum utiq; verum & indubitatum more antiquo voluere Poloni. at
quid Catholicum verum? ſi non niſi veri & Orthodoxi ad Thronum ſemper aſſume-
bantur ex occasione duntaxat condita Lex graſſantium, videlicet in Regno Hæretico-
rum cum Catholicis permixtorum, & in Laribus Patriæ debachantium, ut ad exem-
plum Regis totus componeretur Polonus Orbis. *Et ſicut Rex ſic & Grex Catholi-
cus depulſas, & eliminatis Hæreſibus unicus in Repb: Polonia conſtituantur.*
aliter

aliter enim vnitas paci & purgati Catholicismi hoc potest detineri, & conseruari potest *Reginam* quoq; Remp. Catholicam fore & esse debere, siue Natione siue Vocatione, eadem lege circumscriptis & firmavit Resp. & quidem Sanctissime. Si enim depravatum cor Salomonis, per mulieres alienigenas, peruersumq; & diuisum per ipsas illius Regnum, quid non perverterent in Polonia his præsertim corruptis temporibus *Reginæ* alienigenæ Hæreticæ, cum assistentibus eiusdem farinae famellis, quæ ut serpentes irrepunt (inquit Sanctus Leo.) *blandè capiunt, mollitè ligant, latentèr occidunt*, de quibus S. Chrysostomus. *Serpentes sunt omnes mulieres Hæreticæ, dicta filia serpentis illius, ad quem Deus in Persona Ecclesiæ dicit inimicitiam ponam inter te & mulierem*; propter quam sententiam, inter Catholicos & Hæreticos adesse non potest: Potissimum si mulier Calvina in Hæresi obstinatissima, quæ Connubium Principis Catholici, retinendæ Sectæ amore repudiavit, Hæreticumq; ideo maluit, quid inquam cum Catholicis ageret mulier ista in Solio Regni? Professuram asserit Fidem Catholicam, Ejurata Secta Calvinistica (quod ob obstinaciam eius vix credibile) sed quod quæso motivum? vel quis finis esset eiusmodi vocationis, aut quæ securitas in pertinaciam Hæreticæ exercendæ pro futura & retinendæ novæ Professionis, Promiserat Helena Imperatrix Moschoviæ Schismatica renuntiare Schismati, & Vnitati adscisci Romanæ Ecclesiæ, copulata autem Matrimonio Poloniarum Regi, ab eo ardentissimis precibus fletibusq; instantissime petijt, pro instruenda Synagoga Schismaticorum; & nisi Meandri pietas obstitisset; in visceribus Regni & in tota Polonia Schisma plantatum & radicum, iam dudum fuisset. Hæc est faminarum Schismaticarum multò magis Hæreticarum fides: Exploratum autem habemus omnes, mulierem illam Coronam ambigentem Nostram, Calvinam esse firmissimam, ideoq; cum Principe Bavaro Matrimonium sprevisse, Catholicum quod perfidiæ futuræ si vocationem fingeret, magnificum est argumentum.

RESOLVTIO QVARTA

Ex Ratione & Absurdis consequentibus.

SIt sanè Rex Poloniæ ex Generationibus & Progenie Hæreticus, sit & Regina ex Avis & Protavis Calvina, reuocet uterq; ejuret Sectas suas propter adipiscendam Coronam Poloniæ, utiq; non æternæ Gloriæ: coniuret futura Conuenta Pacta, de profitenda & exercenda fide Catholica atq; immunitate seruanda Ecclesiæ hæc faciet Hæreticus sine dubio, apud quem tantum æstimatur Iuramentum, quantum lumentum: ambitionis, & Solij Regalis obtinendi cupidus, desiderio iurabit & tantum volueritis per se & per alios iurabit Sicut iam die 13. Iulij in Ecclesia Collegiata Sancti Ioannis Varsaviæ ante Venerabile Sacramentum coram Episcopo Viadislaviensi per Ministrum suum Calvinum; quod impiissimum infamissimum & vix à sæculis auditum inter Catholicos exemplum, inter Nationes execrabile, & Nomini Polono nefandissimum; ut Calvinus pro Luterano super Punctis Catholicis ab Hæretico observandis iuret) iuravit. Quid sequitur inde? ergo in Iuramenti per Ministrum Calvinum facti; vel per Luteranum faciendi. Zelator erit Catholice fidei integerrimus, expugnator Hæresum acerrimus, Libertatis Ecclesiasticæ Propagator strenuus. Sed quis Sponsor? quis Propheta? vel cui revelatum est, eum Iuramenti præstiti vel præstandi irrefragabilem & inuolabilem fore cultorem Catholicismi potius mori Hæreseos fautorem & Promotorem futurum, cum Deus solus intueatur cor: cum & ex literis Catholicorum in Imperio degentium habeamus pro certo & Indubitato eum Hæreticum huiusq; esse pertinacissimum & publicum elusorem Romanæ fidei, quidquid in contrarium efficient illius. A S. Sedæ fidem Catholicam parum vel nihil curantes, & Spiritualem Sratum destruentes supplantare conantes. Quis inquam Sponsor sui Iuramenti? nonne Principes Catholici electi coniurabant; conuenta Pacta aliquos nihilominus in aliquibus, (fide tamen excepta) transgressores vidistis, nonnè contra Serenissimum Defunctum tantorum meritorum Orthodoxorum Principem

clamastis, & vociferastis, eiusq; prolem à Throno exclusistis, quod Conventa Pacta quæ iureiurando, in cæteri servanda promiserat infregisset? quid illi fecistis? quid clamoribus vestris evicistis? ex ordine tamen æqualitatis ille assumptus erat, adeoq; libertatem haud opprimere poterat, nihilominus ad observantiam Pactorum Coniuratorum eundem non adegistis. Et quid Principi Hæretico Potenti & Resolato dictari estis. Si iuramenti immemor, ad pristinum reversus vomitum, iura Patriæ infringeret? Hæreticos protegeret, Spirituales contemneret, sicut iam contemptos ab illo Novimus ex Literis Eminentissimi Primatis ad eum nuper datis, si quæ malè tractaret Catholicus, ac libertatem imminuere vellet, quid inquam ei dictari estis? qui sua & vicinorum suorum Colligatorum Hæreticorum fretus potentia; unumquemq; vestrum in particulari & in unversum omnes profundere & obruere atq; comprimere facile poterit.

Sed dato per possibile, quod Iuramenti præstandi de profitenda Catholica fide foret observator, & Nobilitatis pariter ac Libertatis Polonæ amator eximius: nonne ad amabilem Principem Nobiles concurrent indiscriminatim omnes, in Polonia autem sunt plures Nobiles Hæretici, quorum alij Phanis ædificatis gaudent, alij gauderent ædificandis, sunt & Nobiles Catholici qui in possessionibus suis lege licet obvia, Phana & Synagogas fovent Hæreticorum, non animo (ut illi dicunt) fovente vel promovente Hæresis, sed temporalis gratia emolumentum. Quid non facerent Nobiles illi, apud amabilem Principem novum Catholicum & Hæreticum inveteratum. Hæretici quidem Nobiles pro exercitio libero eorum Religij, Catholici verò pro lucro temporali ab Hæreticis habendo. Primas apud Regnantem peterent gratias, nonne ab eodem hac in parte obtinerent indulgentias. Cum autem in Republica Nostra sicut Nobilitatis sic & Libertatis sit æqualitas, omnibus utique pro lucro temporali ab Hæreticis percipiendo, Synagogas eorum liceret ædificari, hæcq; methodo Regnum Catholicum ex Catholico posset facile fieri Hæreticum. Si in Civitatibus, Oppidis, Pagis, ædificarentur turpis lucri gratia Synagogæ Hæreticorum, eiusmodi enim, Libertate Polona Principe favente Hæretico, undiquaq; Hæretici invitarentur: Regina quoq; Calvina (inquis) evocabit, Sectam eiurabit, permitto ut possibile, sed quis quoq; Sponsor feminæ fidelitatis iurare poterit pro se: non pro alijs, assecuravit quis vel asseverare poterit, iam non conducturam famiacam assistentes hæreticas, quæ postea initis cum Gente Polona connubijs, eorum amicos ut solent de muliere, molliè ligare, atq; pervertere possent, vel ad summum radicatis eiusmodi in Regno Matrimonij, esset, Prolis in varias Religiones divisio; adeoq; sensim ac sensim Sectarum propagatio & multiplicatio, sicq; ex magna Babylone fieret tamen habitatio Dæmonum, de quo Angelus Apocalypticus: *Exite de illa populus meus, ut ne participes sitis delictorum eius, & de plagis eius ne accipiatis, quia peccata eius pervenerunt usq; ad calum & recordatus est Dominus iniquitatum eius:* aut ex hac Babylone egredi Catholici debemus influemur; vel si ab ea separari neglexerimus, cum ea flagellabimur; eatenus & peribimus. Agite tamen in Nomine Domini Exercituum Proceres Orthodoxi pro Patrijs legibus, integritate fidei, in qua ablactati & nutriti estis, & duplicate ei duplicia Apoc. 18. Hæreticum foras mittite, date promissum à Deo Patriæ Christianissimum Principem. Confortamini, & Dominus erit Vobiscum.

CONCLUSIO

Cum Responsione ad Obiecta.

Non nobis iniiciant Iagiellonem ex paganismo assumptum, aut Sigismundum Lutheriana Secta infectum, quorum temporibus (ut verum & indubitatum est) illis ipsis cooperantibus Regibus, Religio Catholica crevit, hæreses extirpatae multæ, in Provinciis uti Lituania, Samogitia, Pomerania, & alibi fides Romana plantata est, non inquam obijciant hoc scioli, nec calus similes asserant emersisse: quod aliquando Respubl. nostra ex Paganis vel

Sectas

Sectariis Principibus ad Regni sui vacasset gubernacula. Legant qui nondum didicerunt Historias Polonas, & comperient Iagellonem cum fratribus suis, licet ex Pagano Patre, sed ex Matre Christiana natum, ad eadem in Christiana Religione ematritum, & elevatum tres Legatos ad Rempubl. ante Electionem misisse Suridonem Ducem Borizechum & Hanulonem Capitaneum Vilnensem, qui testati sunt, eum more gessisse Christianorum, licet baptizmate initiatus non fuerit: supra dicti Legati, scribit Cromerus *Lib. 14.* de Rebus gestis Polonicis Iagellonis præmissis multis, quæ ad amplitudinem Reipubl. Polonæ, & ad incrementum Religionis Christianæ pertinere videbantur, Polonis responderunt, quæ ad Religionem Christianam attigeret. Iagellonem cum cæteris fratribus Christiana Matre natum, iam inde ab ineunte ætate Christiana Religione imbutum, non alienum ab ea gerere animum, quamvis eius mysteriis de more imbutus non sit. Ex quo aperte constat, Iagellonem fuisse Cathenum, sunt autem intra Ecclesiam non extra; sicut & in Historia Orientali legimus. Principes Orientis in adulta ætate Baptismi ritum in usu habuisse; Christianam tamen practicasse observasse Religionem, ex quibus ad Imperia Orientalis Ecclesiæ assumebantur, nec pro Paganis reputabantur, non tamen his contentis testimoniis Nobiles Poloni, quod Christiana Matre Iagello natus & in Christiana Religione educatus fuerit, sed pro maiori habenda fide atque securitate profitendæ per eum atq; amplius Religionis Catholicæ, ipsius Iagellonis Fratres in pignus fidelitatis illius custodientes ab eo requisivisse; qui obsidum loco Polonis sic volentibus à Iagellone dati fuerunt: Vithaudus cum Michaeli Duce, & Lubarto fidem suam Regno & Proceribus Regni obstrinxere, & obsidum loco fieri, *Cromerus l. 15.* & *Matthias de Meechoviatis. 4. Chron. Polon.*

Sigismundi Tertij exemplum, qui asserunt eum hæreticum à Republica electum, stultè asserunt, vel mente insanunt, cum ex Historia Polona & Suetica habeatur exploratissimum Sigismundum ab Adolescentia fidem suscepisse Catholicam, & ob invictam constantiam cum nec minis nec precibus flecti potuerat à Patre, ab eodem sequestratum & incarceratum fuisse. Cuius pietate & admirabili zelo permoti piissimi Poloni, unanimi suffragio contradicente nemine propagationem fidei ab eo expectantes, ad solium Regium promoverunt. Hæc erat pietas, hic zelus, verus Orthodoxorum Polonorum, qui in Electionibus temporalibus postpositis, Spiritualia proponebant, de augenda & propaganda fide consultabant ferventissimè, Deusq; ideo Patriæ benedicebat, Regnum ampliabat, secus facientes à Sanctis Patriis Legibus vestigiisq; salutaribus Patrum suorum deviantes Pseudo Poloni sperent bella, concussiones, oppressiones, desolationes, clades, ruinas, & mille à Deo maledictiones, quæ si evitare voluerit Polonia, audiat infinitæ veritatis oraculum.

Proverb. 22. Ecce derisor, & exibat cum eo iurgium cessabuntq; causa & contumelia. Venerabilis Beda interpretatur: Ecce Hæreticum, & cum libertatem ei ademeris, Catholica pacè auxilium præstabis.

Ad Majorem DEI Gloriam.

[Faint, illegible text, likely bleed-through from the reverse side of the page.]

At the Court of the Honorable the Lords of the Council

SAXO PERCVSSIT PHILISTÆVM.
^{S E V}
RESPONSIO THEOLOGICA
CRACOVENSIS,
^{A D}
RESOLUTIONES THEOLOGI
VARSAVIENSIS.
Cujus Falsitates & Dogmata depravata,
DETEGVNTVR.
Innocuus Honor
SERENISSIMI REGIS.
AUGUSTI II.
DEFENDITVR & VINDICATVR.
Inclyti Electores eiusdem REGIS Poloniarum,
à Censuris Bullæ Cænæ Domini Immunes
DECLARANTVR.
Totaq; Serenissima Respublica Polona à cavendis pestiferis
Theologi Varsaviensis Decisionibus.
EXPOSTVLATVR.

925034

III

IN NOMINE DOMINI AMEN.
RESPONSIO THEOLOGICA
CRACOVIENSIS,

A D

RESOLUTIONEM THEOLOGICAM
VARSAVIENSEM,

Super Quæstione Rempublicam Polonam, & Statum
Christianitatis, concernente.

Utrum Respublica Christiana libera habens ius eligendi Regem, possit sibi adsciscere Principem, non exercentem neq; profitentem actu Religionem Catholicam, adeoq; dubium Catholicum indubitato Principe Orthodoxo postposito, absq; Anathematis Censuris in Bulla Cane Domini? ita inquit Theologus Varsaviensis.

Respondurus huic Quæstioni. Præmitto prius Textum D. Pauli 2da ad Corinthios Cap. 11. v. 13. Pseudo Apostoli sunt operarij subdoli, transfigurantes se in Apostolos Christi. Et non mirum: ipse enim Sathanas transfigurat se in Angelum lucis. Non est ergo Magnum, si Ministri eius transfigurentur velut Ministri iustitiæ. Hæc Apostolus. Porro modum transfigurationis utriusq; explicat Dion Carthus: hic dicens: Operarii subdoli: id est: fallaces Ministri transfigurantes se: id est speciem Religionis assumunt, sanctitatem simulant, & per exteriorem apparentiam ostentant se, ac si essent veri Apostoli. Modum verò transfigurationis sathanicæ ita declarat. Sathanas transfigurat se in Angelum lucis: id est, in similitudinem Christi, Angeli Magni Consilii: multa quoq; vera & bona suggerit, quatenus credatur missus à Deo, & fallat. Hucusq; Dion. Carthus.

2. Præallegata doctrina Apostolica, necnon Carthusiana explicatio (ex ipsis meritis Causæ) Resolutioni Theologica Varsaviensi, secundum proportionem censenda est convenire. Equidem Imo, Resolutio Theologica Varsaviensis, primo statim aspectu apparet Apostolica, quia fidem Christianam zelare videtur, Dubiumq; Catholicum excludit à Regno Catholicò. 2do. Eadem Resolutio suum Resolutorem ostentat Ministrum Iustitiæ, quia nihil iustius deferre Sceptrum indubitato Principi Orthodoxo, non verò dubio Catholico. 3tio. Speciem Religionis assumit, quia pro Cultu Sacrosanctæ Eucharistiæ coram Calvino nequaquam exponendæ, in quarta Resolutione ferventer perorat. 4. Sanctitatem nec simulat, quia pro Sanctis Sanctæ Ecclesiæ legibus à Summorum Pontificum Canonibus audacter (prout decet) loquitur. 5. Exteriori apparentiâ caret, quia ad Principes extraneos nullum interesse iudicatur habere. 6. Multa vera suggerit: nimirum, in Prima Resolutione, Hæreticos non debere tollerari, inter

inter Respublicas Catholicas ; In *secunda Resolutione* affirmat , & bene, Fautores Hæreticorum Anathemati esse subiectos. In *Tertia Resolutione* veraciter asserit, Rempublicam Polonam fulminasse Ediçta, adversus omnem Hæreticam impietatem, & Regem Catholicum sibi firmasse immobilitèr, idq; Lege Publicâ magis in cordibus, quàm in codice exarata. In *Quarta Resolutione* eruit consequentias timoris plenas, de non servanda iurata fide Principis. In *quinta* tandem ponit *Conclusionem*, contrarias solvendo Obiectiones. Certè multa vera & bona affert iste *Resolutor Varfaviensis* : quæ omnia meliora forent, si à Deo fuisset missus Apostolus ad Rempublicam Polonam ; cui, dum suam *Resolutionem* proponit, adsit Iudex Deus, scrutator cordium, an fallere simplices animos Polonorum pestiferis subtilitatibus intendat? an verò intrepidè loquatur veritatem? Proindeq; ut in ipsius *Resolutione* inveniamus veritatem, suppositum ipsius fundamentale examinandum est, Principaliter, de verbo ad verbum Textum ipsius apponendo.

TEXTVS I. THEOLOGI VARSAVIENSIS.

Apud omnes consonum est, eum, qui hæresim dicitur abnegasse, & non exercet neq; profitetur actu fidem Catholicam, Dubium esse Catholicum. Corde enim creditur ad Iustitiam, ore autem fit Confessio ad salutem.

3. **R**ESPONDEO, ad hunc *Textum* ex Doctore S. Divo Thoma Aquinate 2. 2. Qu. 3. Art. in Corpore, cum universis Theologis sic sentiente, hisce expressis. *Præcepta affirmativa non obligant ad semper, etsi semper obligent: Obligant autem pro loco & tempore, secundum alias circumstantias debitas, &c. &c.* Sic ergo confiteri Fidem non semper neq; in quolibet loco est de necessitate salutis. Hæc S. Thomas. Utinam Theologus Varfaviensis præallegatam perlegisset, intellexissetq; doctrinam, animadvertisset forsitan, Principem Theologorum Catholicorum non stare pro sua Sententia, cum omnibus Universitatibus, ejus doctrinæ firmiter in hærentibus. Affirmat quippè Theologus Varfaviensis: *Apud omnes consonum est: Principem & quemcumq; alium fidelem esse dubium Catholicum, qui non exercet, neq; profitetur actu fidem Catholicam.* At Doctor Angelicus negat verissimè, Principem esse Dubium Catholicum, non exercentem neq; profitentem actu fidem Catholicam, in omni loco, & tempore, dum scilicet non adest obligatio & necessitas. Proindeq; *Textus Theologi Varfaviensis* apud Doctorem Sanctum, & universalitèr, apud omnes Theologos hanc difficultatem de fide exterius profitenda in Decalogo desingentes, omnino dissonus est veritati & ipsius salutis necessitati ad semper: Unde evidentèr sequitur, Principem non exercentem, neq; profitentem actu fidem Catholicam ad semper, indubitatum, certum, immobilemq; esse Catholicum.

Impugnatur Secundo *Textus Varfaviensis* sic; Iuxta D. Thomam in loco citato, Confiteri fidem, est de necessitate salutis, secundum externam oris & opetis professionem, in al quo loco, & tempore, quando scilicet, per dimissionem hujus Confessionis subtraheretur honor debitus DEO, & etiam utilitas proximis impendenda: puta, si aliquis interrogatus de fide, taceret; & ex hoc crederetur, vel quod non haberet fidem: vel quod fides non esset vera: vel alij per ejus taciturnitatem averterentur à fide. In hujusmodi enim Casibus Confessio fidei est de necessitate salutis. Et hæc est genuina Thomistica, imò Catholica Sententia, de necessitate fidei exterius profitendæ.

4. Stemus hic cum *Theologo Varfaviensi*, & fufius opportunitatem, obligationem, necessitatemq; fidei exterius manifestandæ videamus. Ordinariè Theologi ponunt subfequentes Casus fidei exterius Confitendæ.

Primus est, quando quis Ecclesiæ Corpori aggregatur, & veluti inseritur; quod in nova lege fit per Baptismum.

Secundus Casus est, & necessitas in articulo mortis, si pro tunc homo est rationis Compos.

Tertius Casus & Obligatio est, Juxta Trident. Sess. 24. Cap. 12. de Reform. & Sess. 25. Cap. 2. & Pius V. motu proprio, qui incipit. *In Sacrosancta*: Pro his qui promoventur ad beneficia curam animarum habentia, & ad Canonicatus, & ad Cathedras Vniversitatum. Hosce tres Casus, tanquam necessarios, non potest *Theologus Varfaviensis* obijcere SERENISSIMO PRINCIPI REGI POLONIÆ ELECTO: *Non primum*; quia in Confessione Sanctissimæ TRINITATIS juxta præscriptam à JESU CHRISTO formam Baptizatus est. *Non secundum*: quia nos omnes longissimam, Orthodoxam, triumphaliter pro CRUCE CHRISTI exornatam metitis, REGI Serenissimo apprecamur, & à Divina Misericordia humiliter efflagitamus vitam. *Non tertium*: quia Imminens Regalis Coronatio, non est ad beneficia Ecclesiastica, aut Vniversitatum Cathedras promotio. Iam ergo evidens est SERENISSIMUM REGEM ELECTVM ex parte Proprij Oris, needum habuisse opportunitatem, & necessitatem exterius fidei profitendæ.

5. *Quartus tandem Casus est*. Ratione Charitatis interdum ad Confessionem exterius Fidei obligantis: v. g. Quando aliquis videt alios ab hæreticis depravari, nisi ipse fidem tueatur, aut profiteatur; tunc enim ex præcepto illo, quo DEVS unicuiq; mandavit curam habere de proximo, tenetur eam profiteri exterius: prout docet D. Thomas in præallegata superius Quæstione in Responsione ad primū, depravantibus enim hæreticis fideles, instat protunc Manifestū periculū fidei evertendæ.

Nec quoq; hunc Casum *Theologus Varfaviensis* opponere potest SERENISSIMO REGI. Adferat vel unicum saltem exemplum, quod SERENISSIMVS AVGVSTVS II. viderit à suis subditis hæreticis aliquos depravari fideles: si allegabit Apostatas profugos: tales prius suā perversā voluntate sunt facti Heretici, antequam adirent, audirentq; Hereticos, sibi prædicantes. Si ipsam reprimendam hereticorum audaciam Causabitur; hoc sanè admitteret Doctor Angelicus, si Confessio fidei manifesta, (in Resp. ad 3.) & utilitatem possit afferre pro illo tunc, & turbatio publica non solum fidelium, verum etiam ipsorummet infidelium abesse. Et quoniam prudentissimus Orthodoxus Princeps, ex suæ fidei manifestatione animadvertit non nisi cedes contra fideles exercendas, rebellionem contra Principem exoriendam, in toto Imperio Civilis belli tumultus gravissimos accendendos, cæteraq; inconuenientia subsequutura; ideoq; non tenebatur huc usq; Sanctam Fidem Catholicam intra Dominium suum propalare. Ergo deficiente obligatione, opportunitate, & necessitate, exercendi, & actualiter profitendi fidem exterius, post abjuratam hæresim, firmiter, immobiliter, substantialiter, Erat, Est, Eritq; Divina Cooperante gratiâ per longissimum subfequentis vitæ decursum Catholicus indubitatus, usq; ad visionis beatæ felicitatem.

6. *Quintus adhuc Casus & necessitas exterius Confitendæ fidei, est*. Conservatio honoris Divini. Honor autem Divinus exponeretur periculo; si interrogatus de Fide taceret; unde regulariter loquendo (vide *Gonethum Disp. 7. de actu exteriori fidei Art. 2.*) Interrogatio facta tempore persecutionis à Tyrannis, inducit obligationem profitendæ exterius fidei, ne per ipsius taciturnitatem honor Divinus evacuetur. SERENISSIMVS REX Noster Orthodoxus AVGVSTVS II. omnino est, fuitq; extra talem Casum. Ergo non habet etiam in quinto Casu necessitatem & obligationem profitendæ exterius fidei Catholicæ.

7. Forsan *Theologus Varfaviensis* posset facere instantiam ex parte subditorum hæreticorum Interrogantium; sed hanc instantiam præoccupavit & solvit Eminentiſſimus Cardinalis IOANNES de LVGO, *Disput. 14. Sect. 2. Num. 28. De fide*. Hæc scribens. *Facilius silentium potest excusari, quando interrogaris ab homine privato, cui poteris respondere; Quid ad te? aut quæ tibi hæc potestas examinandi meam fidem?*

Quibus

Quibus verbis magis indicat contemptum Persona interrogantis, quam fidei defectum. Hæc Eminentissimus. Sed ecce contra Eminentissimum, & Doctissimum Theologum, Cardinalem, oppositum docet Theologus Varsoviensis, dum absolute & sine ulla distinctione: (quam Sancti Patres universaliter adhibent) affirmat Principem non exercentem, nec profitentem, voce externa Fidem Catholicam esse Dubium Catholicum.

8. Sextus Casus profitendi Fidem Catholicam exterius est: quando Actum aliquem Religionis debite & ut oportet exercere non possumus, nisi verbis aut signis ipsam fidem profiteamur. Nunc ergo jam sumus in Statu Obligante ad externam Fidei Catholicæ professionem, SERENISSIMVS PRINCEPS Electus REX, proximè est Coronandus, & Sacro Ungendus Chrismate. Vnctio hæc, jam à Serenissimo solenniter facta prærequirit externam fidei professionem, ut tantò religiosius percipiatur, quantò augustius in se continet donum: quod Petrus Blezenis Epistola 10. sic explicat: *Magna (inquit:) est efficacia huius Sacramenti: Nam de David postquam à Samuele unctus est, (Scriptura testatur,) quod directus est Spiritus Domini (ecce donum Vnctionis Sacræ) in David, à die illa, & in reliquum. Saul quoq; die illa, quæ Olei lenticulæ à Samuele perfusus est, mutatus est in Virum alterum, & insiliente in eum Spiritu Domini, cum accessisset ad Cuneum Prophetarum, cum eis prophetare incepit.* Hucusq; Blesensis. O felicem tanti Principis diem Coronationis! quam supremis desiderijs omnes Iusti, omnes fideles, omnes filiali corde, Rempublicam Poloniam diligentes expectamus, & exoramus. Hæc dies dabit nobis AVGVSTVM Patrem Patriæ, jam Augusta Liberalitate probatū, expertum, manifestum: Hæc dies AQVILÆ Sarmaticæ dabit cor AVGVSTI validissimum, ut infirma Patria reviviscens, ad pristinam redeat sanitatem. Hæc dies pluet de cælo Saxum, quo Ferræ Portæ Otthomanicæ conterentur; Saxo, Philistæus Gigas Constantinopolitanus percutietur; Saxo, Columna pro Gloria Crucis CHRISTI erigetur triumphalis: Totaq; Polonia abundantissime hauriet Oleum de Saxo Durissimo, hostibus, sed dulcissimo Civibus: sed pro nunc obloquentioris affectus sistamus Stylum, & ad Theologum Varsoviensem redeamus.

9. Producat quæso Theologus Varsoviensis (ne solus sapere videatur) vel unum Theologum, qui doceat externam fidei Confessionem non semper & ubiq; manifestatā, destruere Certum Catholicum, & ex Certo Catholico reddere dubium Catholicum. Nullum profecto monstrabit, quia apud omnes Consonum est, sive eum qui ab infantia Baptismi fide receptā, à peste hæretica alienus exiit semper; sive eum, qui peste hæc diaboli fraude infectus, & jam Gratiā Christi sanatus, stabilis factus est Catholicus, dum Vterq; non exercent, neq; profitentur actu fidem Catholicam, cessante Præcepti Affirmativi Obligatione, & Necessitate. Apud omnes (inquam) Consonum est, quod uterq; istorum sit Certus, stabilis, & indubitatus Catholicus.

10. Multa quoq; Sanctorum exempla adsunt, etiam Pastorum, & Præsulum Sanctissimorum, qui non semper fidem profitebantur exterius, salubriter per suam fugam, aut per salutarem laudabilemq; taciturnitatem (juxta illud Matth. 7. *Nolite Sanctum dare canibus*) Consulendo fidei Conservationi; id ipsum D. Cypriano affirmante. *Qui interim cedit, non fidem negat, sed semper expectat.* Manifestum hujus rei adducit exemplum Eminentissimus Cardinalis Cajetanus, in 2. 2. Qu. 3. Art. 2. hæc scribens: *Beatus Sebastianus quando erat occultè Christianus, sciebat, quod alij credebant eum non esse Christianum, & non curans de hoc ad tempus, propter bonum finem non peccavit.* Hæc S. Ecclesiæ Princeps Purpuratus; ex quo hanc subsumamus paritatem. 1. Sanctus Sebastianus erat occultus Catholicus: & Noster Serenissimus erat occultus Catholicus. 2. Sanctus Sebastianus sciebat quod alij credebant eum non esse Christianum (& sermo hic procedit de infideli positivè, seu de non Christiano fidem Catholicam non exercente actu, imò de non Christiano, qui à Paganis reputabatur pro Pagano:) Et Serenissimus sciebat quod alij credebant eum non esse Christianum Apostolicum, & Romanū Summo Pontifici obediens. 3. S. Sebastianus non curavit infidelium credulitatem falsam, de se conceptam: & Serenissimus non curavit falsam de se Hæreticorum existimationem. 4. S. Sebastianus occultus Christianus erat propter bonum finem, nimirum propter Conservationem fidei, &

ideo non peccavit occultando fidem: Et Serenissimus occultus Catholicus erat propter bonum finem, & ideo non peccavit occultando fidem.

11. Si quæris bonum finem in Serenissimo. Principalis est, exaltatio & Promotio Sanctæ fidei: suo exemplo aliorum Principum attractio ad Ovile Christi, juxta dandam opportunitatem: suavis subditorum allicientia ad gremium Ecclesiæ Romanæ: suæ corporalis salutis Orbi Christiano contra Turcas per summè necessaria conservatio: tumultuum periculosorum præventio: (& juxta mentem D. Pauli I. ad Corinth. Cap: 7. v. 14.) Serenissimæ Consortis, (de qua benè speramus per DEI misericordiam) propè diem futura per Serenissimum fidelem Mantum Sanctificatio. Alios altiores fines in thesauris Divinæ Sapientiæ, ac providentiæ perscrutari pertimescimus.

Quærant nunc Universi & singuli, à Theologo Varsoviense, quid nam dicturus sit, ad allatam paritatem de utroque. Omnino necessarium est, aut utrumq; condemnare, aut utrumq; à damnatione Dubij Catholici absolvere. Sed tempus est redire ad immediatam Textus Varsoviensis Continuationem.

TEXTVS II. THEOLOGICI VARSAVIENSIS.

Dubius Catholicus pro non Catholico habetur, quia dubius Catholicus non est indubitatus Catholicus, adeoq; nec verus Catholicus.

12. RESPONDEO Ad hunc Textum directè contra Theologum Varsoviensem ex ejus verbis sic argumentando. Dubius Theologus Varsoviensis non pro Theologo habetur, quia Dubius Theologus Varsoviensis, non est indubitatus Theologus, adeoq; nec Verus Theologus. Motivum dubitandi de ejus Theologatura est in ipso singularis audacia impugnans veritatem dogmaticam, quam universitas Nobilissimorum Theologorum docet, defendit, & approbat. Sed his omnis retorsionibus solidiora argumenta proponenda sunt contra ipsum: Itaque.

13. RESPONDEO 2do. Ad Textum ex parte subjecti dubitantis, sic formando Argumentum. Dubius Catholicus: aut est in se intrinsecè, & in suo intellectu Dubius: aut est, extrinsecè, & in alieno intellectu Dubius.

Serenissimus Noster non est Dubius Catholicus in se, & intrinsecè, seu in suo intellectu. Quia ex dono speciali supernaturali Anathematizavit omnem hæresim, condemnavit omnem errorem fidei Catholicæ mediatè, & immediate oppositum, Corde immobili adhæsit, & adhæret firmiter, persanctè, & inviolabiliter Universis Articulis fidei, prout ab una Sancta Ecclesia Catholica proponuntur, & explicantur; & quod corde credidit ad institutam, hoc ore Confessus est, & consistet ad salutem, semper, ubi necessitas expostulat præscripta, à Sanctis Patribus, Orthodoxisq; Theologis: ac proinde Serenissimus non Dubius, sed Indubitatus est Catholicus.

14. Item. Dubius in fide, intrinsecè & ex parte sui intellectus dicitur ille, qui judicat, non esse omnino certum id, quod fides dicitur: etsi in hoc firmus sit, Hæreticus est. Legatur Sapientissimus Ferre Hispanus Tractatu 2do, de fidei Oppositis Vitis, Qu. 14. § 2do per totum. Et Gesualdus de Primo Præcepto Decalogi cap. 4. Num. 10. ait. Dubium in fide tunc esse existimandum dubium Hæreticum, quando deliberatè, & scienter vult de rebus fidei sibi sufficienter propositis dubitare. Idem Universalitèr docent Theologi.

Theologus Varsoviensis in tota sua Resolutione asserit Serenissimum Dubium in fide. Vnde quæso ipsi constet, & quo ex motivo intrinsecò, quod aliquando in intellectu Serenissimi adfuerit intrinsecū, deliberatumq; judiciū, de rebus fidei fluctuans? Cum tale intrinsecum judicium nemini revelatum, sit solum DEO Notum. doceat nos Theologus Varsoviensis, vel de Revelatione istius judicij sibi particularitèr facta: exponemus ipsam ad examen coram Tribunali S. Inquisitionis: sciemusq; quis locutus fuerit: An Prophetes (3. Reg. 13.) De Bethel Seducor? An Prophetas, Vir Dei in sermone Domini?

15. Enimverò Noster SERENISSIMVS REX, Vir Bellator ab adolescentia sua, Arcana fidei non scrutabatur reflexè, nec scrutatur: Verùm prout erant sibi proposita, sic cum lacte Materno hausit eadem parvulus, & ambulabat ut parvulus. Sed factus Vir, præcinxit se Virtute fidei Catholicæ, sumpsit Scutum fidei, induit lorica[m] justitiæ, induit omnem armaturam DEI, AVGVSTVS Miles CHRISTI, simpliciq; Corde credidit, & credit, quidquid Sancta Romana Ecclesia credit. Cum ergo sit fidelis Miles CHRISTI, & nunc Datus Antemurale fidei Catholicæ, bella Domini tractare cogitat pro fide Catholica, non verò de fide discursus formare: extra vaginam, gladium Regalem in manibus contra Lunam Ottomanicam mavult perpetuò ad defensionem fidei portare, non verò, intrâ intellectum secum decettare. *Ignorant fluctuare Saxa; vident petra ventorum impulsus, nec Adamas quatitur ictu.*

16. Appositè Prosper Fagnini in prima parte Primi decretalium fol: 5. ex D. Thoma Aquinate adfert textum pro Nostro Serenissimo militantem, scribens: *Non imputatur laicis si non inveniuntur pertinaciter perversa doctrina adharere, sed in talibus ex simplicitate deficiunt.* Serenissimus itaq; Noster perversæ doctrinæ nunquam adhæsit pertinaciter: miles semper fuit, arma tractavit, & defectus fidei, qui in ipso fuit, ex simplicitate fuit. Quod si me interrogas, unde sciam probabiliter, quòd Rex Electus pertinaciter non adhærebat doctrinæ perversæ? Respondeo. Scio ex verbis Christi dicentis, *Ex fructibus eorum cognoscetis eos.* Scio ex Statu militum qui ex sua natura de armis non verò de articulis fortissimè disputant. Scio ex Celsissimo Principe Episcopo Iavoriense suo Gloriosissimo Consanguineo, cuius admonitionibus salutiferis dulciter assentiebatur & parebat Serenissimus. Scio ex profugis Apostatis quos sibi presentatos Serenissimus examinabat de fide, & fugam ipsorum vituperabat grauitè. Scio ex intima & pia affectione erga Sanctam Romanam Ecclesiam, erga Inuictissimum Imperatorem, in cuius persona sacri belli Augustus Generalissimus fidei Catholicæ hostes gladio suo iugulabat: Scio ex rationibus pro Serenissimo iam allegatis indubitato Orthodoxo: ac proinde manifestissimum est, quòd Serenissimus Noster non sit in se intrinsecè & in suo intellectu Regali, dubius Catholicus. Et hæc quoad primam partem rationis secundæ, sunt dicta.

17. Quoad secundam partem Disiunctiæ, nimirum, *an Serenissimus sit extrinsecè & in intellectu Theologi Varsoviensis Dubius Catholicus!* restat videndum. Probo ergo etiam in intellectu Theologi Varsoviensis Serenissimum Regem non posse esse extrinsecè Dubium Catholicum. Sic, Intellectus in Principio aliquo dubitat de aliquo, vel circa aliquid, quando habet rationes ad utramquè partem æqualiter mouentes, ita quòd non inclinatur ad hoc, quàm ad illud notabiliter. Sylvester V. *Dubium & Cardinalis Paleottus de Sac. Confist: Consult: P. 4. Q. 4. §. Et tamen* ait. Aliquândo rationes vtrinquè æquales sese offerunt, ita vt animus non magis in vnam, quàm in alteram, inclinet partem, & tunc oritur propriè dubitatio. Hæc ibi: Mirum sanè est, quod in intellectu Theologi Varsoviensis pro obiecto Dubio, sit Serenissimus Dubius Catholicus; & tamen ex Dubio Catholico infert vnam determinatè, scilicet non esse verum Catholicum. Iste modus argumentandi incipiendo ab ipso Aristotele est vniuersis scholasticis inauditus. Omnes docent, quod Dubitans, non inclinatur ad hoc magis quàm ad aliud ob æqualitatem rationum pro vtraquè parte æqualiter mouentium. Et tamen Theologus Varsoviensis ex principio Dubio inclinatus ad vnam partem, infert Conclusionem determinatam: ideoquè aut Dubium eius est irrationabile, (quod concedimus) aut naturam Dubiorum non intelligit Scholasticè, prout intelligunt Theologi. Scholasticè locutus fuisset Theologus Varsoviensis, si affirmasset sese opinari: nam *Dubitare*, est intellectum neutripartitum adhæretere, iam verò *opinari*, est quando intellectus iam fert iudicium & adhæret vni ex partibus contradictionis, cum sola formidine: sicut docet D. Thomas de veritate *Questione 13. A. 1.* Ergo quia Theologus Varsoviensis in suo intellectu tantum, habet Dubium, Serenissimum esse Dubium Catholicum; ideoquè suo intellectu non debet esse inclinatus ad hoc quòd affirmet Esse verum, vel non verum Catholicum. Iam autem Theologus Varsoviensis

ensis perpetuus est in isto modo argumentandi iuxta verba ipsius: *Princeps actu non exercens neque profitens Religionem Catholicam, adeoque Dubius Catholicus, qui pro Haretico reputatur* in quibus verbis sic vniuersaliter argumentatur, *Princeps, non est actu exercens, & profitens Religionem Catholicam. Ergo est Dubius Catholicus. Ergo est pro Haretico reputandus.* Sanè ob talem modum argumentandi *Theologus Varſaviensis Optimus* fit, *Dialecticus pessimus.* Pono exemplum ad hominem sic. *Theologus Varſaviensis* actu non exercens neque profitens speculationem Theologicam adeoque *Dubius Theologus*, qui pro *Pſeudo Theologo* reputatur. Ex hoc contextu ad *Stylum Theologi Varſaviensis* formato, istæ habentur *Consequentia: Theologus Varſaviensis non est actu exercens & profitens Speculationem Theologicam. Ergo est Dubius Theologus.* Ergo est pro *Pſeudo Theologo* reputandus, utrobique sunt pessimæ *Consequentia: patet in Materia nostra, imo, quia, fit argumentum à non Causa prout à Causa: non enim exterior fidei Confessio (deficiente obligatione, loco, tempore,) minimè manifestata, est Causa Dubij Catholici: nec ex Dubio Catholico (formaliter loquendo de Dubio) tanquam ex Causa potest inferri Hareticus reputatus, ut supra proximè diximus. 2do. patet, quia fit argumentum à Terminis finitis, ad Terminos Infinitos, inconsequentes & etiam extra uagantes: qui Modus argumentandi a Dialecticis est explosus. 3tio. patet: quia à Dubio formali non potest fieri consequentia ad vnam determinatam, & tamen apud Theologum Varſaviensem valet iste modus argumentandi: sed forſan oblitus est Dialectices. Ego salubrius optarem ut oblitus fuisset *Dialectices* non autem *Veritatis.* Sed tempus iterum ad *Continuationem Textus Varſaviensis* recurrere.*

TEXTVS III. THEOLOGI VARSAVIENSIS.

Sicut quando dubitatur, an aliquid sit Consecratum vel Baptizatum, pro non consecrato, nec pro Baptizato habetur, ut habetur Cap. veniens. De Presbyteris & non Baptizatis.

18 *RESPONDEO.* *Theologum Varſaviensem* in alleganda doctrina Canonis malè fide processisse. Quotquot in Orbe sunt Iuris Canonici Doctores, legant, relegant, volvant, revolvant, prædictum Canonem, & non inuenient in eodem hanc Doctrinam (etiam nec implicite) à *Theologo Varſaviense* productam. Sufficiat pro mille aliis Clarissimus Prosper Fagnini, super Cap. veniens; ita scribendo. Summa huius Decretalis summari sic potest, Non Baptizatus ordinari non potest, & si defacto ordinetur non recipit ordinis characterem, licet credatur Baptizatus. En *Fagniana* explicatio Textus non est de dubio Baptizato. An scilicet, sit Presbyter Baptizatus. Sed de Baptizato, qui creditur esse Baptizatus, & de facto non est Baptizatus. Iam autem Dubitare, & Credere sunt actus distinctissimi. Ergo *Theologus Varſaviensis* ex hoc Cap. *Veniens*, malè infert istam; Quando dubitatur, an aliquid sit Consecratum vel Baptizatum? pro non Consecrato, nec pro Baptizato habetur. Debit inferre istam; quod de facto non est Consecratum pro non Consecrato habetur: sicut, quod de facto non est Baptizatum pro non Baptizato affirmatur.

19. Clariùs eundem *Textum*, idemmet *Fagnini* in prima parte Primi Decretalium de Constit. cap. *Ne innitatis*, num. 245 & cap. *Veniens*, adducit Articulum in quo inquitur, *An ordinatus ante Baptismum receperit Ordinis Characterem?* Respondet Pontifex. In hoc dubitabili casu quod tutius est sequentes, mandamus, quatenus ipsum per singulos Ordines usque ad Sacerdotium promovere procuret. Ergo Summus Pontifex ob exhibitas sibi priùs certissimas informationes supponit certò Presbyterum non fuisse Baptizatum. Ergo dum dubitatur, an certò non Baptizatus, receperit Ordinis Characterem? Respondet Summus Pontifex ad Dubium Propositum, quod talis non Baptizatus non receperit Characterem Ordinis; ideoque priùs est Baptizandus, & iterum Ordinandus per singu-

singulos Ordines usq; ad Sacerdotium. Addiscat hic *Theologus Varſaviensis* istam veritatem, Quando dubitatur, an non Baptizatus Sacerdos receperit Ordinis Characterem, tunc pro non Sacerdote, seu pro non Ordinato legitime & valide, nec pro insignito Characterem Ordinis habetur. Porro iuxta *Textum* præinsertum, *Theologus Varſaviensis* faciat de sua Persona hunc *Textum Reflexum*, sic. Quando dubitatur *An Theologus Varſaviensis sit Doctor Sorbonicus*, pro non *Doctore Sorbonico est habendus*: antequam *Textum reflexum* solvat, adeat illustrissimum Augustinum Barboſam. Tract. 2. l. 3. Tit. 43. Et in eodem etiam Cap. *Veniens*. intelligere procuret sensum allegatum.

20. Sed quid ad nos ista? dubitet, quantum vult & prout vult *Theologus Varſaviensis*. De Orthodoxa fide Serenissimi Regis AVGVSTI II, non dubitat Supremus Pastor Ecclesiæ & Iesu Christi Vicarius: non dubitat Augustissimus Imperator: Non dubitat Eminentissimorum Patrum Collegium Purpuratum: Non dubitant Serenissimi Con:Electores Sacri Romani Imperij: Non dubitant eiusdem Sacri Imperij ArchiPræsules, & Præsules Celsissimi à Celsissimo Principe Illustrissimo, ac Reverendissimo Episcopo Javoriensi de Fide Orthodoxa AVGVSTI II Regis informati. Non dubitant Regni Poloniae, sanioris, majoris partis Procures ac Principes utriusq; Status. Et tamen adhuc dubitat *Theologus Varſaviensis*. Dubitant & alij, quos suo dubio pestifero infecit (*Nunquid 3 Rom. v. 3*) *Incredulitas ipsorum, fidem Dei evacuabit? Absit*. S. Thomas ad locum præfatum, istam *incredulitatem, & infidelitatem*, vocat *mendacium*, dum dicit: *Mendacium hominis sive infidelitas veritati non adhaerens, Dei veritatem sive Fidem non evacuat*. Hæc ibi: Serenissimus noster Fide Catholica verax est: *Theologus Varſaviensis Mendax est*. Iterum *Textus*,

TEXTVS IV. THEOLOGI VARSAVIENSIS.

Signa veri & non dubitari Catholicismi est exercitium & Professio externa fidei: ut habetur apud Mattheum. Qui me Confessus fuerit, coram hominibus, confitebor, & ego eum coram Patre meo, qui in caelis est. qui autem negaverit me coram hominibus, negabo & ego eum, coram Patre meo, qui in caelis est.

21 **R**ESPONDEO. Ad præsentem *Textum* prout jam supra habetur; nimirum, *Exercitium & Professionem externam fidei esse verum & indubitatum signum Catholicismi*: sed in Casibus & Statibus contra *Textum primum* enumeratis, Num. 4. 5. 6 ubi scilicet adest necessitas & obligatio iuxta loci, temporis, aliarumq; Circumstantiarum exigentium. Extra hos casus (ait Doctissimus Porrecta in 2. 2. Q 3 A. 3. 2.) vel si qui sunt alij necessitatis, *perfectionis est*, quod homo persecutoribus se offerat, quando incumbit periculum fidei; sed quod comprehensus non neget, hoc *necessitatis est*: Ita Porr. Sciat profecto *Theologus Varſaviensis* Serenissimo Nostro non defuturam pro Fide Catholica *Perfectionis* occasionem. Incumbit Regno Poloniae periculum fidei ab Immanissimo Byzontino Dracone. Primus tanto offerens se se discrimini, est Serenissimus AVGVSTVS: sed triumphabit feliciter Victor Gloriosus, & hæc coronâ Regni, (quam Otto Imperator Polonis dedit) Coronatus, Orthomanicum evertet Imperium.

Legat ergo *Theologus Varſaviensis* sinceriori oculo, fidem, Catholicam, sibi vendicasse in Serenissimo AVGVSTO, totum illud, quicquid ad necessitatis obligationem, quicquid ad perfectionis desorem pertinere judicatur. Non iam *Theologus Varſaviensis* illud suum à principio positum repetat; *apud omnes*: Quia dum dicit *Omnes*, decipit omnes, qui ignorant distinguere inter obligationem Præceptorum Affirmativorum & Negativorum.

22. Hoc totum, quod de externa fidei Professione non obligante *ad semper*, dicimus & scribimus, ex instructione Iesu Christi habemus donatum. Præcepit Dominus noster Confessionem externam fidei, coram hominibus; sed tantum in casu

casu Necessitatis & Obligationis. Et quis iste *Necessitatis* casus? Ecce ille præmissus, apud D. Matthæum, eodemet Cap. 10. num: 17. *Tradent vos in Concilijs & in Synagogis suis flagellabunt vos, & ad Præsides, & ad Reges ducemini propter me, in testimonium illis; & Gentibus.* Ergo in Concilijs, in Synagogis, interrogatus à Præsede à Rege, habet campum *Necessitatis* fateri fidem Catholicam externa voce, & externis operibus. Hoc est dogma Fidei. quod & in nobis, *expleri* inter Tyrannos desideramus per misericordiam Dei. Iam verò hoc deficiente militia Catholica campo, deficit simul obligatio externæ Professionis.

23. Non erubescat *Theologus Varsoviensis* fateri, an in ipso reperiatur, hoc indubitatum signum externæ professionis *ad semper*? notum est Doctis, quod *Theologus Varsoviensis*, disputet subtiliter de omnium scientiarum Obiectis, de Distinctionum formalitatibus, de causis existentia creatæ, in supposito; etiam manducat, bibit, dormit ut animal. Estne protunc in exercitio & actuali professione externæ fidei? profectò minimè. Ergo vel in ipso sensu percipit, & probat in seipso æternam fidei Professionem non obligare *ad semper* etsi semper obliget. Ac proinde ipse *Theologus Varsoviensis* non semper confitetur Christum coram hominibus. Quid, quid in sui favorem dicet, totum cædet in nostræ doctrinæ approbationem. Sed iam hunc *Textus* 4ti Discursum concludat Eminentissimus Cardinalis Caietanus supra memoratum Præceptum à Salvatore nostro datum, explicans sic. *Non sufficit Christo interna fides, aut internus amor, nisi cum opus fuerit, adsit exterior Confessio Fidei & Factorum.*

24. Sed ad enervandam fundamentaliter omnem difficultatem, si urgeret adhuc *Theologus Varsoviensis* de Præcepto Negativo externæ Confessionis: hoc enim Præceptum Negativum est, de nunquam exterius abneganda fide, & nihil unquam agendo exterius, quod fidei repugnet. Ergo, quia præceptum Negativum obligat semper, & pro semper, ideoq; non exerceans, neq; profitens actu, fidem Catholicam, adhuc dubius erit Catholicus.

RESPONDEO. *Negando Consequentiam* Conservat Serenissimus Noster eorunde immaculato susceptam fidem Catholicam: hanc in Sponsam Virginem accepit, eandem exterius nunquam negabit: Negativi Præcepti perpetuò externam profert Confessionem, dum omne amputat malum discordans a fidei bonitate.

TEXTVS V. THEOLOGI VARSAVIENSIS.

Ex quo deducitur apertè, verum & indubitatum Catholici iudicium, non aliud esse, quàm Professionem externam Fidei; cum Ecclesia de occultis non iudicet.

25. **R**ESPONSIO ad hunc quoq; Textum jam in Superioribus est declarata. Hoc verò quod addit: *Ecclesia de occultis non iudicat*; certissimum est. Forsan *Theologus Varsoviensis*, ne remorsum conscientia pateretur, sentit Serenissimum Regem intra suum Principatum extitisse occultum Catholicum. Si ita saltim sentit, vir probus est *Ioann: 19.* Ioseph ab Arimathæa Discipulus fuit Iesu; sed occultus, propter metum Iudæorum. *Quod Discipulus fuit* (inquit Beatus Albertus Magnus ibidem) *hoc fuit laudabile: quod non confitebatur publicè, hoc fuit infirmitatis, non peccati.* Ergo quoq; in Serenissimo Rege, laudabile fuit extitisse occultum Discipulum S Romanæ Ecclesiæ; & publicè non Confiteri propter metum Hæreticorum insidiantium, non fuit peccati. Certè *Theologus Varsoviensis* quàm longè distat à sensu B. Alberi Magni. Ille Beatus, Ratisbonensis Episcopus, in Discipulo occulto nullam agnoscit culpam. Ille *Theologus Varsoviensis* in occulto si non videt culpam, cur gravissimam ab Innocente Serenissimo exigit pœnam privationis regni? sciret sanè S. Gregorij Decret. L. 1. Tit. 2. Cap. 2. Pontificiam Propositionem. *Rem quæ culpâ caret, in damnum vocari non convenit.*

TEXTVS

TEXTVS VI. THEOLOGI VARSAVIENSIS.

Consequentèr non exercens neq; proficens Religionem Catholicam pro Hæretico reputandus.

26, **R**ESPONSIO eadem non est reiteranda: Patet supra Num. 3. usq; ad 11. & Num. 20. & in consequentibus. Solùm addo. Non exercens Religionem Catholicam tempore necessitatis & obligationis, interrogatus à Concilijs, Tyrannis, Regibus, Præsilibus, & externa voce non proficens Fidem Catholicam, sit, aut Idolatra, si coram Paganis: aut Hæreticus, si coram Hæreticis; aut Iudæus, si coram Iudæis: negat fidem transcendo ad sectam Interrogantium Infidelium Tyrannorum; non enim dantur in Generali, aliæ plures species infidelitatis, nisi istæ Tres, Paganismus, Iudaismus, & Hæreticismus.

Hucusq; de verbo ad verbum recitatus est *Textus Theologi Varsaviensis*, & Responsionibus Orthodoxorum Theologorum confutatus. Dum ergo per gratiam Dei, iam ipsius suppositum fundamentale destruxerimus, machina tota, licet sponte suâ ruat, tamen ad maiorem evidentiam adhuc sensus Authoris in *Quæstione* proposita restat investigandus. Inquit ergo, ut infra.

Theologi Varsaviensis Sensus in Quæ- stione Proposita.

27. *An Respublica Catholica Libera, præciso favore conservanda vel nutrienda Hæresis, solo temporali Statu attento, nec considerato Religionis Catholicæ commodo, atq; emolumento, possit Principem actu non exercentem neq; Proficientem Religionem Catholicam, adeoq; dubium Catholicum qui pro Hæretico reputatur, ad gubernacula Regni vocare, sine iactura conscientia, & absq; incurrenda Censura in Bulla Cænæ Domini lata?*

RESPONDEO. Præallegatam Quæstionem prout proponitur in terminis à *Theologo Varsaviensi*, multis esse implicatam difficultatibus, quibus unica Responsione directa & unica Resolutione adæquata nullo modo potest satis fieri. *Theologus Varsaviensis* suam quæstionem proponit Coram Statu Senatorio & Equestri, de quorum numero innumerabiles sunt, qui Methaphisicas ignorant difficultates, contradictionum, implicantias Logicales, Præcisionum subtilitates. Imò cum non teneantur scire jura Canonica, non pertinet ad ipsos cognoscere Censuras Bullæ Cænæ Domini: quoniam illæ Hæreticos perstringant? Dubiosne an Pertinaces ac manifestos? Tenebarur juxta debitam methodum *Theologus Varsaviensis* cum claritate juxta capacitatem Senatorij & Equestris Ordinis procedere, & ex conscientia recta postponendo omnem passionem, in proposita difficultate Rempublicam informare, secundum Deum, secundum veritatem, non verò conturbare, decipere & odia seminare. Ut ergo possit procedi cum claritate in præfata Quæstione confusissima, debet resolvi prius in Quæstiones ac Interrogationes particulares, quas in se habet præcontentas.

28 *Prima est*, An Respublica Catholica Libera, possit procedere, ad Regis Electionem considerato Religionis Catholicæ commodo?

2da est. An Respublica Catholica Libera in Electione Regis possit attendere solum ad Statum Temporalem?

3tia est. An Respublica Catholica Lib. possit eligere Principem actu non exercentem neq; proficientem Religionem Catholicam?

4ta est. An Principem Actu non exercens, neq; proficens Religionem Catholicam sit dubius Catholicus?

5ta est. An dubius Catholicus sit pro Hæretico reputandus?

6ta est. An Hæreticus reputatus possit præscindere, à favore nutriendæ vel conservandæ Hæresis?

7ma est. An Censuras Bullæ Cænæ Domini incurrat Princeps non exercens, neq; proficiens actu Religionem Catholicam? Item An eadem Censuras incurrat Dubius Catholicus; & reputatus Hæreticus? simulq; omnes Electores Regni Eligentes Principem actu non exercentem, neq; proficientem Religionem Catholicam? has ergo septem Quæstiones continet in se unica Quæstio Theologi *Varsaviensis*, quibus septem Quæstionibus. Nullus sapientissimorum Ductorum unica Responsione potest respondere; & tamen hoc totum præstat *Theologus Varsaviensis*.

29. Addamus exemplum Charitatis Gratiâ talem proponendo Quæstionem. An Universitas Cracoviensis, Scientiarum Mater, præciso favore conservandæ & nutriendæ ignorantia, solo temporali statu attento, nec considerato Scientiarum commodo atq; emolumento, possit Laureatum Doctoratu Virum, actu non exercentem neq; proficientem Scientias adeoq; dubium scientificum, qui pro ignorante reputatur, ad Gubernacula Universitatis vocare sine jactura Scientiarum, & absq; metu incurrendi pœnas, in Statuto Universitatis citas. Ad Quæstionem hanc de Matre Scientiarum Propositam, quis quæso Doctissimorum Professorum unica Responsione potest satisfacere, non adhibitis prius præannotationibus, Terminorum explicationibus, & in suas Classes Conclusionam Distributionibus. Quo præmisso exemplo ad propositas *Septem* Respondeo Quæstiones.

30. *Ad primam dico*, non posse Rempublicam Catholicam Liberam, procedere ad Regis Electionem non considerato Religionis Catholicæ commodo. 1. tum quia Marthei 6 v. 33 Mandavit Salvator, *quærite Imo Regnum DEI & iustitiam eius.* 2. tum quia Respublica Catholica novit, quod per Religionis Catholicæ commoda procurata beatificatur. Sicut è *contrario*: omnis Respublica negligens profectum Religionis Catholicæ pessundatur execraturq; prur etiam ad præsens vel in ipsa Vngaria idipsum palpabiliter cernimus. 3. Tum quia Respublica Catholica dicit intrinsecum (ut Metaphysicè loquar) ordinem ad promovendum Catholicæ Religionis bonum, à quo præscindere nequit. Ita feliciter processit Respublica Catholica Polona, quæ elegit Principem Augustum Catholicum, iustitiam Regni Dei quærentem, toto cordis conatu Religionis Catholicæ commoda procurantem, & ad publicum bonum Poloniæ Catholicæ vita, honore, fortunâq; universa adtendentem.

31. *Ad 2dam dico*, Rempublicam Catholicam Liberam, in Electione Regis non p. se attendere solum ad statum temporalem. Hæc *Responsio* patet ex immediate dictis. Insuper Respublica ex quo Catholica, statum temporalem debet subordinare Fidei Catholicæ iuxta illud D. Pauli ad Coloss. cap. 3 v. 13 *Omnia quodcumq; facitis in verbo aut in opere, omnia in Nomine Domini Nostri Iesu Christi gratias agentes Deo & Patri per ipsum.* Hæc Divus Paulus. Inelyti Proceres Regni Poloniæ Serenissimum AVGVSTVM liberis vocibus ac cordibus ad Thronum Catholicum assumentes, nequaquam respexerunt, ad temporalia solum bona; æterno solum Cælesti Supremo Numini famulatum detulerunt, ipsummet Deum in Persona AVGVSTI in Regem Poloniæ elegerunt; quia totam suam Electionem Directioni Divinæ committent. Quia ad Fidei Catholicæ augmentum respexerant: quia non temporales Fortunas sed Regales dotes Catholicâ Fide coronatas in Serenissimo AVGVSTO contemplabantur. Ideoq; hanc Gemmam de turbido Hæreticorum Oceano extractam, hunc adamantem è Saxo præcisum preciosum, hunc carbunculum ignita Catholica fide relucentem, Coronæ Poloniarum Catholicæ alligarunt fidelitatis iuramento, incluserunt Legum observantiâ, impresserunt liberorum votorum efficaciam. Sicq; Serenissimum AVGVSTVM, quo Corona fulget Polona Nomen Iesu Christi, in corde interius, & in Professione fidei exterius. Iam eam toto Orbe portantem in Throno Poloniarum Supremi Regis Regum vicegerentem venerantur, amplectunturq; Patrem Filii, Regem Patriæ Cives, Pastorem subditorum Grex suæ Maiestatis Devotissimus.

32. *Ad Tertiam dico*, Rempublicam Catholicam Liberam, posse eligere Principem

cipem. actu non exercentem neq; profitentem Religionem Catholicam: hæc *Responsio* jam in Superioribus est manifestissima, quia nullus Catholicorum, imo nec ipse Summus Pontifex, fidei petra tenetur actu exercere & profiteri exterius ad semper fidem Catholicam Authoritates ex Evangelio adductæ etiam supra sunt solutæ & explicatæ iuxta Sanctorum Patrum dogmata & universorum Theologorum consensum unanimem. Easdem quoq; explanationes & sensum debebat adducere *Theologus Varsaviensis*, sed tacuit. Audiatur Tertul. Apolog. cap. 47. *Omnia adversus veritatem de ipsa veritate constructa sunt operantibus emulatione mistam spiritibus erroris.*

33. *Ad quartam dico*, Princeps actu non exercens neq; profitens Religionem Catholicam non est dubius Catholicus. Hanc *Responsionem* iam fuse superius in Textu 2do per totum abundantissime, ex intrinsicis dubiorum prædicatis probavimus.

34. *Ad Quintam dico*. Dubius Catholicus indicans iudicio erroneo, voluntario, firmo, & pertinaci non esse omnino certum id, quod fides dicitur, est Hæreticus. Iam autem dubius Catholicus suspendens actum intellectus omnino, & neutram partem, vel assensus vel dissensus eligens, neq; iudicium formans, quod talis res dubia sit, non est Hæreticus. Videatur supra allegatus *Ferre Hispanus*. Vtrumq; autem dubium à Serenissimo Nostro ultra Garamantas & Indos ad ipsos usq; inferos est propulsum & multatum perenni exilio.

35. *Ad Sextam dico*. Iuxta præsuppositam distinctionem datam immediate in *Resp. ad 5tam* Hæreticum reputatum cum dubio Catholico voluntariè & pertinaciter ac erroneè iudicante Mytheria Fidei (non esse omnino certa) connexum, affirmo non posse præscindere à favore nutriendæ & conservandæ Hæresis, *Radicaliter*; quamvis *actualiter* præscindere possit. Iam verò Hæreticus reputatus, connexus cum dubio Catholico suspendente actum intellectus præscindit tam radicaliter quam *actualiter* à favore Hæreseos. Quia in hoc secundo sensu dubius Catholicus, est substantialiter Catholicus.

36. *Ad Septimam dico*. Princeps non exercens, neq; profitens actu Religionem Catholicam non incurrit Censuras Bullæ Cænæ Domini. *Ista Responsio* notior est, ipso cælo. Censuræ enim Apostolicæ fulminantur contra Hæreticos; iam autem Princeps actu non exercens, neq; profitens ad semper fidem Catholicam, est substantialissimus Catholicus; aliàs idemmet foret dicendum de ipso summo Pontifice *actualiter* fidem Catholicam non profitente.

Similiter quoque: Dubius Hæreticus mente dubitans, quomodocunq; consideretur, non incurrit Censuras prædictas. Nullus enim Hæreticus incurrit pænas impositas Hæreticis, nisi suam Hæresim foris ostendat aliquo verbo, facto, vel signo. Frustra ergo *Theologus Varsaviensis* terret simplices & rectas animas Electorum, incutiens ipsis censurarum pænas falsissime, ubi non sunt incutiendæ: illi autem seducti *timuerunt, ubi non erat timor*. Sint ergo Inclitri Electores Reipublicæ certi & certissimi, quod nullas incurissent censuras Ecclesiasticas (stando in Bulla cænæ) etiam si elegissent Dubium quocunq; titulo Catholicum.

Quid ergo Respondendum sit, ad *Questionem* confusam per *Theologum Varsaviensem* Propositam, ex particularibus *Responsionibus*, unicuique, non solum Scholastico, verum etiam Politico Senatorio, Equestri, ac Militari Togato, Constat evidenter. Quemadmodum ergo *Theologus Varsaviensis* proposuit *Questionem* in Confuso, & in turbido, ut felicius piscaretur; sic quoq; dat Confusas & turbidas *Resolutiones* à proposita ipsius *Questione* discordantes: quod videre necessum est, nãq;

37. *Prima Resolutio Theologi Varsaviensis* loquitur de Hæreticis formalibus, Rigorosis, indubitatis, Manifestis; quos ipse *Theologus Varsaviensis* vocat Ismaelitas, Incapaces, Commansionis Ecclesiasticæ cum filio Isaac. Et Certissimum est eiusmodi Hæreticos incurrire Censuras in Bulla Cænæ Domini promulgatas. Ergo *Theologus Varsaviensis* nec directè resolvit, nec directè probat, suum Intentum: Nam proposuit *Questionem* directè de Dubio Catholico, qui reputatur Hæreticus; & dat *Resolutionem* de Indubitato Hæretico. Dubius Catholicus (ut dictum est in *Resp. ad Septimum*.) Non incurrit Censuras Ecclesiasticas: Et tamen easdem *Theologus Varsaviensis*

viensis ab Hæreticis Manifestis extendit ad Dubios Hæreticos Mente Dubitantes: quod facit contra Cōmune Axioma Iuris: *In odiosis est restringendum*. Quodsi *Theologus Varſaviensis*, Per *Hæreticum Reputatum* intelligit suspectū de Hæresis ratione criminis Cōmissi, ob quod suspicatur, de eo quod sit Hæreticus; tenebatur profectō *Theologus Varſaviensis*, tam Crimen Commissum Dubij Catholici enarrare, quàm etiam gradū (sit ne scilicet levis, vehemens, & maxima seu Violenta suspicio, & Reputatio) gradum probare Hæreticæ reputationis. Et quia hoc non facit, ideoq; Confusè quid pro quo scribit, & definit.

38. SECUNDA RESOLVTIO. Desumpta ex lege Ecclesiastica Conformiter ad primam Resolutionem desumptam ex Communibus Principijs Theologicis, loquitur de Hæreticis pertinacibus proprietaribus, perniciosis, & pestiferis. Eisdem & ego cum S. Ecclesia Hæreticos *Diaboli filios* execror, fugio, anathematizo. *Theologus Varſaviensis* intra Cathalogum istorum perniciosissimorum Hæreticorum inscribit Principem Actu non exercentem, neq; Profitentem Fidem Catholicam: Si loquitur de Hæretico, de quo loquitur Ecclesia, tunc benè loquitur, si loquitur de Principe Actu non exercente fidem Catholicam, quamvis substantialiter Catholicus, tunc pessimè loquitur.

39. TERTIA RESOLVTIO. Desumpta ex Praxi perpetuâ Regni Poloniae, eundem habet Sensum, Cum *1ma & 2da Resolutione*. Catholica Polonia Cæteris Catholicorum Regnis felicior, gloriosiorq; evasit, quod ab incunabulis Suscepta Orthodoxæ fidei. Hucusq; perpetuò, in Throno Regali Coronatum adoravit Caput Catholicum. Proindeq; Zelo Catholico Orthodoxa hæc Mater, fulminavit ignita edicta contra Hæreticos, nec propiis volens parcere filijs, à suo Catholico lacte avulsis. Conservet Divina Misericordia in nobis hunc Fidei Catholicæ Zelum, & caelestem Athletis cum SERENISSIMO AUGUSTO tribuat, contra hostes Crucis Christi, benedictionem.

40. QUARTA RESOLVTIO, Continet absurda & inconvenientia, quæ benè inferuntur, ex rigoro Hæretico, non verò ex Principe Catholico. Timor, & tremor invaserunt me legentem *Textum Theologi Varſaviensis*, quorum *primus* sequitur.

TEXTVS THEOLOGII VARSAVIENSIS,

Apud Hæreticum tantum æstimatur iuramentum, quantum iumentum.

41. RESPONDEO, quod Publica fœdera, pacta, Sancita, inter Gentes & Regna, solemnij iuramento per personas, ad id deputatas roborata ex Univerſali Iur Gentium ponderis Maximi & Supremæ æstimationis extitère. Nec est sub cælo aliqua Natio, apud quem iuramentum publicum flocci penderetur. *Iosue* c. 9. Refert Sacra Scriptura Gabaonitas fuisse Paganos Idolatras; & tamen cum eis *Iosue* Princeps inivit fœdus, & iuramentum quod ex utraq; parte validè & Sacrosanctè erat obligatorium: Ita *Lyranus*, *Hugo*, *Dionysius*, *Caietanus*, *S. Ambrosius* lib. 3. *Offic.* cap. 10. *Gratianus* 2. 2. Qu. 4. Cap. finali. *Suares* Lib: 2. de *Iurament.* cap. 18. qui Citat Sanctum Thomam, S. Bonaventuram, Richardum, prout allegat *Cornelius à Lapide* in *Commentarijs Iosue* cap. 9. v. 19. Hinc, & S. *Psalmista*, iuramentum, & jurantem in Nomine Domini, Collaudat *Psalmo* 62. v. 12. dicens: *Laudabuntur omnes qui iurant in eo.* Quæ Sacra Verba Considerans Univerſitatis Cracoviensis Doctor Theologus *Stanislaus Makowski*, in *Decal.* Tract. 2. de 2. Præc. *Decal.* Qu. 7. Coroll. 5. ait: *Sanctitas iusiurandi semper apud omnes Gentes Religiosa fuit.* Porro *Theologus Varſaviensis* in Materiam tam gravissimam, totum reputat, quantum iumentum valet. Ex intentione jurantis occulta, id non potest inferre: Pacta quoq; totius Regni quæ sunt materia iuramenti, pro iumento, non debet reputare, ac denique ipsummet Nomen Domini invocatum in testimonium, etiam non solum apud Hæreticos, sed nec apud ipsummet *Damonem* tantum valet, quantum iumentum. Dicat ergo nobis, si blasphemus esse nolit *Theologus Varſaviensis*, quid nam reperiat in iuramento, quod debeat dici iusto, ex demerito; iumentum? TEX.

TEXTVS THEOLOGICI VARSAVIENSIS

In eadem Resolutione Quarta annotatus & exaratus.

Ergo, *Vi iuramenti per Ministrum Caluini facti, vel per se Lutheranum faciendi, Zelator erit Catholicae fidei Integerrimus, Expugnator Haesum acerrimus, libertatis Ecclesiasticae Propugnator strenuus. Sed quis Sponsor? quis Propheta?*

42. **R**ESPONDEO Pro nunc ad sponsonem, (crimen Obiecti Lutheranismi inferius discutiendum reservans) *Quis ergo (inquis) Sponsor? Dic, quis Sponsor pro Jagellone? quis Sponsor pro Stephano? si spondes pro Boleslao; en unus Libertatis Ecclesiasticae vindex, occidit Sacerdotem Dei Divum Stanislaum; & alter Boleslaus fidem Catholicam, quam armis introduxerat in Prussiam, muneribus fractus permittit Saetilegè violari. Si spondes pro Christiano Principe Henrico Gallo; en ipse Sacrilegam Haeticam subscripsit Confederationem, multis lachrymis ab Eminentissimo Senatore Patriae Hosio Cardinali (ut videre est in eius literis, ad Comitiam, ad plures Senatores particulariter ad zelantissimos Episcopos datis) deploratam. Addis insuper, quis quoque; *Sponsor femineae fidelitatis?* Attende, quid doceat S. Gregorius Papa lib. 1. Mor. in Job. cap. 5. Quia de alienis cordibus iudicare temerè non debeat us, in Sancti huius viri verbis agnoscimus: qui non ait: Quia benedixerant Deum in cordibus suis. Undè per Paulum dicitur, imo Corin. 4. *Nolite ante tempus iudicare, quoad usq; veniat Dominus, qui & illuminabit abscondita tenebrarum & manifestabit consilia cordium.* Quisquis enim in cogitatione à rectitudine exorbitat in tenebris, peccat. Nos ergo tantò minùs debemus aliena corda audacter reprehendere, quantò scimus, quia visu nostro non possumus alienae cogitationis tenebras illustrare.*

43. Admittat & quem quærit Sponsorem *Theologus Varsaviensis* Eminentissimum Hosium Cardinalem eadem ob æquales Rationes, prout antea pro Gloriosissimo Stephano, ita nunc pro Serenissimo AVGVSTO, Epistola 144. & ad Perillustrem Hieronymum Comitem à Rozrazew Præpositum Plocensem datâ spondentem his verbis. *Qui posteriore loco Electus est, à multis præclaras eius dotes præcipuè verò pietatem singularem, & adversus Christi perduelles Haeticos Christianae fidei tuenda zelum non vulgarem audio prædicari. Quod si confirmaverit hoc Deus, quod in illo dicitur operatus, ut qualis esse dicitur, talis & sit, & esse deinceps etiam pergat: rectè nobis persuadere possumus, insperatam hanc Electionem, certam Regno salutem allaturam. Fieri potest, ut & nunc diversum aliquid evenire Deus velit, ab eo, quod in posteriore Electione spectatum à plerisq; fuerat: ut non modo non proscribat Regno Christum, non modo fidem illius non extinguat, & in eius locum vel Augustanam vel Genuensem, vel Machometanam perfidiam introducat is, qui posteriore Electus est, verum etiam Constantius Christianam fidem, quam ii, qui præcesserunt eum, adversus Christi perduelles Haeticos tueatur, atq; defendat. A Domino factum est istud, & est mirabile in oculis Nostris.*

Extanto Sponsore Eminentissimo Hosio, in Gloriosissimo Stephano universa, promissa exactè sunt completa: eodem quoque; Sponsore in Serenissimo AVGVSTO Deo Supremo veritatis Authore benedicente, ad lancem veritatis Univerſa Pacta, Fædera, & Jura complebuntur.

TEXTVS THEOLOGI

VARSAVIENSIS.

Eiusdem Resolutionis 4tæ.

44. *Agite in Nomine Domini exercituum Proceres Orthodoxi, pro Patriis legibus, integritate fidei, in qua Ablactati & enutriti estis, & duplicate ei duplicia Apoc. 18. Hæreticum foras mittite, date à Deo promissum Patriæ Christianissimum Principem, confortamini & Dominus erit vobiscum.*

O Infortunatum *Agite!* assumpsisti in vanum Nomen Domini, ô *Theologe!* quia non adunasti, sed Proceres Regni. divisisti: tuis *Resolutionibus*, solvisti corda civium à legibus conscientiæ, quia contra innocenter profusi sanguinis libertatem, per Tuum *Agite*, gladios cruentos evaginasti! Fidei integritatem conculcasti! quia tuas *Resolutiones* mendaciis infasisti, & Theologicas veritates depravasti! duplicia duplicasti, quia per Tuum *Agite*, tam in Secularium quàm in Ecclesiasticorum bonorum vexillum depopulationis & in abominationem defolationis extulisti! Serenissimum Principem gravissimi criminis obiectione dishonorasti, quia eundem tanquam Hæreticum à Regno excludendum conclamasti! Principem Christianissimum in Regem à Deo Patriæ promissum exposulasti! unde tibi spiritus Prophetiæ? Num 22. ad Balaam perrexerunt Seniores, Moab, & Maiores Natu Madian, habentes divinationis pretium in manibus: *Agite: confortamini! confortamini intonastis! & tumultum sanguine, rapinis, discordijs plenam excitasti! publicis sanguinarijs Episcopaliū bonorum Prædatoribus, Libertatis Polonæ oppressoribus, Iuratorum Pactorum Fæditagis, Machometanicorum auxiliorum imploratoribus promittis præsentiam Domini; sed tuum falsum promissum redarguit Psalmista Psalm. 118. Longè à peccatoribus salus, redarguit & Proverbialista Prover. 15. Longè est salus ab impijs.*

CONCLUSIO RESOLUTIONVM

THEOLOGI VARSAVIENSIS.

45. *Theologus Varsaviensis* suas *Resolutiones* concludens, alios appellat *Sciolos: Sit* ita sanè, ne contra Divi Pauli Sententiam nostrâ scientiâ inflati iudicemur. Ille tamen *omnia sciens*, asserit, Jagellonem fuisse Cathënum; & tamen hoc negat tota Respublica Polona apud *Herbütum de Stat: Reg: Dum sic attestatur. Nos Pralati, Principes, Barones, Nobiles, Terrigenæ &c: Significamus quomodo Divinâ Cooperante Clementiâ Serenissimum Principem Dominum Vladislavum Regem Poloniæ Supremum Ducem Lituaniæ, Hæredem Russiæ, Dominum Nostrum Gloriosissimum. De GENTILITATIS errore educentes, in Regem & Dominum assumpserunt. Ergo quia testimonium vniuersæ Reipublicæ Polonæ verum est, sequitur evidenter, Testimonium Theologi Varsaviensis esse falsum. Et Olgerdus, Pater Jagellonis, Paganus, Jagellonem natu maximum dilexit, quod esset præclara indole: & forsan, quod etiam ad exemplum Patris Paganizaret. Mater verò Jagellonis *Maria Russiæ*, (quis scit an non Schismatica?) hæc enim agebantur circa Annum Christi 1360. Vel paulo minus supra vel infra, grassante & invalescente protunc contra Ecclesiam Romanam, Schismate) Filium Jagellonem. non intra suum Cubiculum educaverat; nam ordinariè nostris in partibus stante Fidei disparitate in Parentibus, Filij Patrem, & Filia Matrem in fide sequuntur. vnde quod Legati Jagellonis ad Coronam Poloniæ concurrentis (apud *Cromerum lib. 14. ad finem*) Responderint Jagellonem ab ineunte ætate *Christiana Religione imbutum*: hoc dixerunt ut faciliorem sternerent viam Jagelloni ad Coronam argumentum desumentes a Matre Christiana ad Filium. Verum argumentum ipsorum non fuisse solidum Respublica declaravit; asserens, quod de Gentilitatis errore eduxerit Jagellonem. Nec id Sapientissimi Archipræsules, & Præsules affirmassent, nisi Jagellonem*

Cathë.

Catechismo prius instruxissent, & post ad Sacri Baptismatis Fontem adduxissent. Nullus etenim Catechumenus potest dici Gentilitatis errore infectus, quia de facto iam est fidelis, per susceptam voluntario assensu fidem.

46. In eadem Conclusionē de Gloriosissimo Sigismundo III. hunc habet Textum. *SIGISMUNDI III. exemplum, qui asserunt Eum hæreticum à Republica electum, stultè asserunt, vel mente insaniunt.* Proh Deum immortalem! quis tam stultus? tam Mente insanus Patriæ Cuius Orthodoxus, ut vel in Electione sola, pro Hæretico velit dare votum Electiuum, attendendo ad sensum compositum, non verò ad sensum Diuinum (vtor hic Terminis Theologicis, quia cum Theologo Varſaviensi loquor) Sit sanè Actualis Paganus, Actualis Hæreticus, Actualis Schismaticus: & tamen Respublica Polona Catholica aptum Regno & Sceptro Principem, quocumque infectum errore potest eligere: quia Republica Catholicæ eligentis Mens & Intentio est secundum Sensum Diuinum, non verò secundum Sensum Compositum: id est, non intendit Respublica Catholica, eligendo in Regem Principem, qui fuit Paganus vel Hæreticus, quod simul eligat, & eius errorem, & sin ul tam Principem, quam eius errorem componat in eodem Throno. sed intendit Respublica Catholica, quod eligendo in Regem Principem errore infectum, ea ipsa Electione, & Electionis Catholicæ Intentione separet Principem ab eius errore, & sic eligit Principem ut errorem, ab eodem diuidat & separet. Proindeque ad suæ intentionis Catholicæ Electionem, prius semper Fidei Catholicæ ab Electo (dum exigit necessitas) Sollenem Professionem requirit de facto effectuantam. Ergo nullus est stultus, nullus est insaniens, qui in sensu Diuino (iuxta datam explicationem) dicit, Hæreticum Principem esse Electum in Regem. Et etiam Ille non est stultus & insaniens, qui Regem Catholicum aliquando secundum Rei veritatem dicit fuisse Hæreticum: qualis fuit Sigismundus III. in sua iuventute: Sed ille stultus & insaniens est, qui hic & nunc Regem Catholicum, pro nunc calumniatur esse Hæreticum. Et hæc quæ diximus hucusq; pro veritate dicimus, falsitatem impugnamus, & dilectionem ac honorem Personæ Laureatæ integrum esse volumus. Vnde & Censuras Theologicas quas subiiciemus, non contra Personam, sed contra Propositiones in Quæstione contentas, adferemus.

CENSURA THEOLOGICA PROPOSITIONVM

Contentarum in Quæstione & Resolutione,
THEOLOGI VARSAVIENSIS.

47. *PRIMA Propositio.* Apud omnes Consonum est eum; qui Hæresim dicitur abnegasse, & non exercet neque proficetur actu fidem Catholicam, Dubium esse Catholicum. Hæc Propositio siue loquatur de Abnegante Hæresim, siue loquatur de Catholico nullo vnquam errore infecto, quoad istos terminos: Non EXERCENS neque proficens actu Fidem Catholicam ad semper: est Propositio temeraria: Quia est abluè grauissimo fundamento, contra id, quod in Theologia docent communiter Theologi: vt vidimus supra.

48. *SECUNDA Propositio.* Dubius Catholicus pro non Catholico habetur. Hæc Propositio est quoque temeraria, peccans & contra Logicam, & contra Theologiam, & contra Theologos vnanimiter, quid sit Dubium explicantes, vt supra dictum est Num. 10 & subsequentibus.

G

49. TER.

49. **TERTIA** Propositio. Apud Hæreticos iuramentum estimatur quantum Iumentum. Hæc Propositio est piarum aurium offensiva: quia facit contemptum iuramento in Nomine Domini factò, & irreuerenter ac indecenter loquitur de eodem, quod apud omnes Gentes etiam barbaras Sacrosanctum habetur.

50. **QUARTA** Propositio. Serenissimus **PRINCEPS** Electus, est publicus Elisor Romana Fidei. Hanc Propositionem quam scripsit in Resolutione 4ta. remitto ad Inclyti Senatus Totius Reipubl. iudicium, in quo crimen *Lese Majestatis* contentum in præallegata Propositione, est discutiendum.

51. **QUINTA** Propositio. Agite, exercituum Proceres! Hæc Propositio est *Seditiosa*; quia opponitur vnitati totius Reip. & cætui Iuris consensu & vtilitatis communionem sociato.

52. **SEXTA** Propositio Historica. Helena Imperatrix Moschouia Schismatica Matrimonio Poloniarum Regi copulata. Ita dicit Resolutione 3tia. Hæc Propositio est *falsa*. Videatur Cromerus lib. 30. ad finem. Aliæ similes falsitates per seipsas, conuitia, probra, & calumniæ sunt manifesta.

53. **SEPTIMA** Propositio. Die 13 Iulij in Ecclesia Collegiata Sancti Iohannis Varsaviae ante **VENERABILE SACRAMENTUM**, coram Episcopo Vladislauiensi per ministrum suum Caluicum (quod impiissimum, infamissimum, & vix à saculis auditum inter Catholicos exemplum, inter nationes execrabile, & nomini Polono nefandissimum, vt Calvinus pro Lutherano super punctis Catholicis ab Hæretico obseruandis iuret) iurauit. Ita habet Resol. 4. Ad hanc Propositionem respondet Discursus Christiani Hominis pro tempore ad status Reipublicæ, sic cum admiratione exclamans. O Charitas Christi fidelium! quàm contraria es Deo, Innocentiæ, veritati! Licet nihil aliud intercesserit, solas præferendo in considerationem Falsitates, quæ circa iuramentum in Pacta Conuenta manent Typis exarata. Ac imprimis, Quasi clandestinè venerint in Ecclesiam Illustrissimi Duces, Senatores: quod de mane horâ sextâ; quod contra Protestantes framea in templo euaginata diffidendo & in vitam &c. Quot verba tot Falsitates. In toto sacro cantato de Sanctissima Trinitate, presentes fuere Illustrissimi præeminati, post idem sacrum, modo primum accesserunt ad iuramentum, quod actum post octauam horam. Expositio Sanctissimi in Pixide tantum non propter præstantum iuramentum: de quo nemo ex sacerdotibus Ecclesie Sancti Iohannis notitiam habuit: verum propè à Vingtanni in Primaria missa solita horâ antecederet præcessit, subsequuta more solito cum cantu Saluum fac Benedictio à cantante. & celebrante eandem Missam Sacerdote, non propter iuramentum, sed propter Populum pro hac Deuotione quotidie comparentem. frameam quoque euaginatam nemo vllam viam, conueniebant igitur tot falsitatibus Typum infarcire. Hæc oculatus Testis omni exceptione Dignissimus, Luna & Itelis coronatus.

Sed, quid quæso obstat; siue Calvinus, siue Lutheranus, siue Paganus per falsos Deos iuret, dum scilicet iuramentum queritur (vide Tab. sur D. Tho. Aquin. V. Iur. Num. 6.) ad subueniendum alicui defectui, quo scilicet vnus homo aijcreat alteri. Ideo iuramentum non est per se appetendum, sed Tantum in necessitate, vt Medicina vtendum est eo. Fertur autem licitè his de causis, scilicet pro

veris

veritate manifestanda & confirmanda: pro Pace firmanda pro Amicitia contrahenda pro securitate facienda. pro Ecclesie consuetudine seruanda: pro obedientia implenda pro fama conseruanda. Et propter has enumeratas à Doctore Angelico causas Excellentissimus Legatus Serenissimi AVGVSTI II. Regis Poloniae Electi Principis ac Hæredis Saxoniae &c. &c. iuravit, & legitimè iuravit, Comitibus veritate, Iudicio, & Iustitiâ, in Præsentia Reipublicae Liberae Orthodoxae.

An ergo Theologus Varsaviensis illam exaggerationem intra Parenthesim conclusam veraciter & iustè in Regni Orthodoxo (quod a Turcis, Tartaris, Schismaticis, imò & ab Iudæis recipere consuevit, tam Publica Solennissima, quàm Priuata Iuramenta) proponat, recitetq; ne amplius contra veritatem stomachetur, perlegat Cornelium à Lapide in Gen: Cap. 31. V. 53 quod sequitur: Nota, sicut licuit Iacobo à Laban, ita cuiusvis israelitae licet ab infideli excipere, imò exigere in necessitate iuramentum, etiamsi sciat infidelium iuraturum per falsos deos: Idem docet & approbat D. Thomas Aquinas 2. 2. Q. 78 Art: 4 in corpore ita scribens. Augustinus Publicola querenti utrum liceret uti iuramento eius qui per falsos Deos iurat, in quo manifestè peccat, eis Diuinam reuerentiam adhibens: respondet, quod, Qui utitur Fide illius qui per falsos Deos iurat, non ad malum sed ad bonum, non peccato illius se sociat, quo per demonia iuravit, sed Pacto eius Bono, quo Fidem seruauit; Hæc ibi. Cum ergo Excellentissimus Legatus Serenissimi AVGVSTI II. iurasset per Deum verum; à fortiori illius Iuramentum stabilissimum est, & securissimum; Ac proinde ista Propositio Septima Theologi Varsaviensis est nihil valens.

Addit insuper Theologus Varsaviensis. Legatus Serenissimi Coram Episcopo Vladislauensi iuravit. Causam nunc nostram roborauit Theologus Varsaviensis, dum Episcopum Vladislauensem commemorauit. Iste enim est verus Fidei Catholicæ Athleta, humeris suis Sarmaticum baiulans Orbem Iste Electionis Liberae Defensor, Promotor, vindex; Iste cordium & animorum Fraternalium moderator & eorundem in vno Iure votandi & vetandi. Coadunator & manutentor. Iste Bonus Pastor Arcens lupos raptores ab ouili Libertatis Electoralis. Iste Vladislauensis Episcopus, Episcoporum Decus, Sacerdotum Gemma, Pietate præstans, mansuetudine amabilis, Recti iustiq; tenax, est, in Persona Totius Reipublicae Receptor Iuramenti Regalis, est in Persona Dei Coronator AVGVSTI Serenissimi, Iste (Quem ex Persona ignorat Theologus Varsaviensis) est ILLVSTRISSIMVS & REVERENDISSIMVS Dominus D. STANSLAVS de Lubraniec DABSKI, Dei & Apostolicæ Sedis Gratia Episcopus Cuiuensis ex Adiutorio DEI, ex COEPISCOPORVM & CONSENATORVM PRINCIPVM ac Equestris Ordinis Authoritate, Pacis Publicæ Author.

Ex quibus omnibus inferitur, totam Questionem esse expungendam, iuxta Regulam de Correct. lib. 3 § 2do sic sonante. Quae fama proximorum, & præsertim Ecclesiasticorum, & Principum aetrahunt, bonisq; moribus & Christiana disciplina sunt contraria, expungantur.

Iam tandem per Dei gratiam, Concludens Responſionem, adhibeo
verba, quæ *Theologus Varſaviuſis* in fine ſuæ *Reſolutionis* adhibet *Proverb.*
22. v. 10. Eijce Deriſorem & exibat cum eo iurgium. Explicat Cornelius à
Lapide ibidem. Eijce hominem noxium, & peſtilentem, qui alios irridet,
ſubſanat, diræcat, pacem turbat, lites & pugnas concitat, qualis eſt ſuſurro,
Detraكتور, Conviciator, Irrijor, Turbulentus & Seditioſus.

Io triumphe! Saxo percussit Philistæum
DEO GRATIAS.
Omnia, Iudicio Sanctæ Ecclesiæ DEI,
subjecta sunt.



5
Iob
stali
nig
Pro
chan
wſze
wki
pier
mi
Kra
rum
zyć,
Civile
tari, k
wiek
ſtkich
oproc
ſtkich
wkieg
wkieg
y Pow
ejusdem
kilká ty
že y Dr
in extre
Miásto
nowaw
rzowe d

